

宜春縣志卷二十

選舉志

古者鄉舉里選皆以德行道藝進至隋唐以科目取士始工詞翰宜邑人文發祥自盧黃易鄭諸君子一時文章事業彪炳兩間宋元以後鄉會試并行諸貢舉迭興登崇俊良忠臣理學代不乏人間有以他途進者亦得奮才技以贊勲猷并足爲朝廷慶得人焉志選舉

薦辟

按漢舉孝廉秀才唐天子自詔曰制舉不有常科皆標其目而搜揚之宋乾德二年置賢良方正等

三科取士并許投牒自薦景德二年增爲六科大  
中祥符元年罷天聖七年復置十科慶歷間詔各  
科俱近臣論薦毋得自舉熙寧七年俱罷元祐元  
年復賢良方正又置十一科紹聖元年俱罷二年  
立宏詞科以收文學博異之士大觀四年改宏詞  
爲詞學兼茂科紹興元年復賢良方正科二年復  
元祐十科三年更詞學兼茂爲博學宏詞科二十  
六年更十科爲六科元做唐宋制科有賢良方正  
茂才異等經明行修孝廉儒士人才遺選等科明  
太祖初定金陵卽令郡縣歲舉賢才洪武六年罷

科舉專用辟薦其目有聰明正直賢良方正孝弟  
力田儒士孝廉秀才人才耆民皆禮送京師不次  
擢用而各省貢生亦由太學以進十五年復開科  
天順二年始罷辟薦

國朝康熙十七年

詔有學行兼優文詞卓越之人不論已未出仕令雜職  
大小官員各舉所知在內開送吏部在外開送于  
督撫代爲題薦以後每遇

覃恩

詔求山林隱逸孝廉方正或間舉宏詞博學茲查宜邑

正系東元 卷二  
薦辟雖未必盡能應例而其入仕或由舉報亦薦  
辟類也

漢

陳

重

陽嘉元年舉  
孝廉詳傳

施

陽

舒令據豫章列  
士傳補詳傳

按漢晉宋齊梁陳六朝不制科舉施陽袁璞湛陀郡  
邑志缺載卽諸書亦不載明出處擬由舉薦因置此  
又宜春在三國六朝時俱屬安成郡茲據諸書三國  
有袁龍中郎將宋有王孚文學王簿周吳江州刺史  
俱統書安成人未詳何縣梁湛僧智譙州刺史領東  
豫州鎮廣陵湛海珍徐州刺史文獻畧辨爲湛陀宗  
人未便列入皆附識于此

梁

袁

璞

歷官僕射左丞  
相同參國政

按府縣前志宅墓俱統書丞相茲從南史補注袁州  
之有宰相自璞始惜事實失考

陳

湛

陀

散騎常侍據萬  
姓統譜補注

按陀一作俺古字通府縣前志俱止載陀邱墓未詳  
事實萬姓統譜載陀散騎侍郎陳書帝紀載爲宣毅

司馬從吳明徹北伐克新蔡城又克齊昌城惟府縣志從明一統志載為宜猛將軍茲依統譜官職第攷散騎為常侍非侍郎恐誤特正之所列朝代統志載仕梁陳書列陳豈仕梁後又仕陳耶攷梁僅四帝共二十五年其仕梁仕陳亦未可知茲從陳書

楊吳

彭世昌

應楊行密辟為長史詳傳

南唐

沈彬

應烈祖辟為祕書郎詳傳

宋

易言

真宗朝以才辯應辟詳傳

張瑄

以文學應辟詳傳

明

袁子文

善和鄉人洪武初舉儒士禮部郎中

余寶

石裏鄉余家坊人洪武初舉儒士祁門知縣詳傳

劉廸簡

號商卿洪武初舉明經詳傳

按通志吉安志經義考俱云廸簡安福人吾袁郡邑

志均云宜春人列辟薦列人物傳且崇祀府縣學鄉

賢祠後查劉孝廉長發家乘云自安福徙宜亦未可

知姑存之

劉澤民 洪武初舉賢才詳傳

龍暹 正統初舉童子科詳傳

蘇貴彰 化南鄉射鵬人舉譯書通政司經歷

蘇銓 射鵬人舉譯書光祿寺署丞

蘇和 射鵬人舉譯書鴻臚寺序班改餘杭縣丞

蘇穩 射鵬人舉譯書鴻臚寺主簿

蘇穉 射鵬人舉譯書鴻臚寺主簿

進士

唐

按進士科隋煬帝始置唐時為鄉貢諸科之一其目在

秀才明經之下明法書算之上每歲應試舉者懷牒自列于縣縣試畢州長覆試然後隨方物入貢由戶部集闕下而闕於考功員外郎試之開元二十四年以員外望輕移貢舉于禮部以侍郎主之天寶以後諸科輕而進士獨重攷袁州郡邑舉人登第者多應進士一科其由他途出身者未見中惟盧肇湛賁黃頗鄭谷統言登第故今亦統以進士概之 又按太平寰宇記云袁郡山水秀麗鍾于詞人自唐有科舉登第者甚繁江南諸郡俱不及之有宜陽集以載其姓名攷唐時登第每科僅二十二三入今觀宜春一縣一科或至數人宜寰宇

記極稱其盛

貞元七年辛未

彭 伉

構雲之孫詳傳

貞元十二年丙子

湛

賁

詳傳

貞元十三年丁丑

宋

迪

有詩見全唐詩

元和五年庚寅

錢 識

元和七年壬辰

賈 暮

按紀事諸書司空魯亮儕云袁州賈謨元和四年

陳至榜登進士第其詩乃芙蓉出水限津字關中

馬孝升云袁州賈謨芙蓉出水試帖啟唇新麗而

語自超脫神趣天然是其登第係四年非七年茲

以通志府志皆云七年姑從之至名暮一作謨攷

集韻字同通志作譽誤

寶歷元年乙巳

易之武

按前志易作湯誤

開成元年丙辰

鄭史詳傳

開成二年丁巳

楊鴻有詩見全唐詩

會昌元年辛酉

謝防

會昌三年癸亥

盧肇狀元詳傳

黃頗詳傳

李潛據全唐詩及紀事補詳傳

會昌五年乙丑

易重狀元詳傳

魯受與重同居縣治北建重光坊又與刺史蘇球遊石乳洞有記

大中十年丙子

徐煥詳軼事

按三水小牘通志煥皆作煥

咸通四年癸未

尹璠涇陽令有詩見全唐詩詳軼事

按府志璠誤播茲據全唐詩正之

咸通六年乙酉

袁

維

詳傳

盧文秀

華之子  
詳傳

咸通十二年辛卯

魯 繇

廣明元年庚子

何 迎

光啟三年丁未

鄭 谷

史之子  
詳傳

曾德邁

據府志補

大順二年辛亥

蔣

肱

居邑西北建貞賢坊唐末嘗客荆南節度使成內幕有詩載全唐詩

景福二年癸丑

易

標

居邑治東南建桂枝坊

盧

邈

詳傳

乾寧四年丁巳

陳

炯

何幼孫

按府志孫作遜新喻志載厚沙洲人茲從前志

乾寧五年戊午

王

轂

詳傳



天祐二年乙丑

李旭

唐末不記年

伍唐珪 據全唐詩補

宋

按宋初沿唐制開寶八年覆試禮部合格舉人于講武殿向間有升黜由是殿試遂為常制太平興國八年殿試分為三甲嘉祐二年殿試始免黜落治平四年定為三年一科舉崇寧三年詔州縣行三舍法士由學校升貢罷州縣發解及禮部試宣和三年罷三舍法仍以科

舉取士厥後進士仍題名殿試分為六甲其南省下第者仍候鄉試再舉至五舉鄉試不第特奏名同學究出身茲查江西通志間列宋代鄉試解額惟袁州無錄故宜春亦止列進士

雍熙二年梁顥榜

易少儀

大中祥符元年戊申姚燧榜

易綸 十國春秋載延慶子重曾孫

李衢 唐西平王晟後詳傳

大中祥符八年乙卯蔡齊榜

易 隨

天禧三年己未王整榜

易著明 詳傳

景祐元年甲戌張唐卿榜

李 奇 詳傳

按通志作萍鄉人茲從府志

慶歷二年壬午楊寘榜

李 觀 詳傳

慶歷六年丙戌賈黯榜

李 拱

李 稷

李 梁 衡之子一名士燮詳傳

袁邇臣 皓之裔孫詳傳

李 矩 拱之子

皇祐五年癸巳鄭獬榜

張拱之

元祐三年戊辰李常寧榜

曹 傳 詳傳

曹 藻 傳之弟宜教郎知益陽縣事

曹 遷 傳之子通直郎知郴州軍州事

紹聖四年丁丑何昌言榜

彭 俞詳傳

元符三年庚辰李峯榜

曹 道傳之

崇寧二年癸未霍端友榜

曹 邁傳之姪中奉大夫廣西轉運司判官

政和五年乙未何嶽榜

羅長康知永州

政和八年戊戌王昂榜

李 珏衢之孫

宣和三年辛丑何煥榜

鍾 碩

鍾 琬碩之姪

按通志既列鍾碩鍾琬是科進士為袁州人復于六年沈晦榜又載碩琬進士為宜春人明係重出府縣志俱從宣和三年

宣和六年甲辰沈晦榜

按自此科至咸淳十年士復以鄉舉進又有太學監漕數無遺才

蕭 杞第六名通判廣州軍州事遷提舉市舶司

按杞府志作萬載人詳傳茲從前志

易元英

羅長民

長康之弟

紹興三十年庚辰梁克家榜

袁孝顯

善和鄉橫塘人  
通臣之孫詳傳

隆興元年癸未未待問榜

按是科洪遵以翰林學士知貢舉上在諒闇不臨軒策御射殿引見禮部奏名給勅授官如紹興八年故事後嘉泰二年咸淳元年皆如之

趙善斂

尚書

乾道二年丙戌蕭國梁榜

趙善堅

善斂之弟詳傳

乾道五年己丑鄭僑榜

孟

浩

詳傳

淳熙五年戊戌姚穎榜

趙伯薇

淳熙十四年丁未王容榜

趙善認

按通志作萍鄉人茲從前志

紹熙元年庚戌余復榜

張嗣古

詳傳

趙定夫

趙善教

紹熙四年癸丑陳亮榜

劉堪 國子司業

嘉泰二年壬戌傅行簡榜

趙汝鏗 善堅之子

嘉定元年戊辰鄭自誠榜

趙師仟 伯薇之姪由宗室省元登第

按宋重宗室每鄉會試中式不下數十人後鄉試

另列一榜故省元亦別

嘉定四年辛未趙建大榜

趙崇渭

按通志作萍鄉人茲從前志

嘉定七年甲戌袁甫榜

趙崇玠 善教之孫

嘉定十三年庚辰劉涓榜

趙熙夫

寶慶二年丙戌王會龍榜

趙崇微 汝繁之子

趙汝鑰 善堅之子

趙汝榮 善堅之姪

趙汝鑑 善堅之子

紹定二年己丑黃朴榜

趙汝璠 善認之子

按汝璠之父善認通志作萍鄉人茲從前志

易 乾

嘉熙二年戊戌周坦榜

李 發

寶祐四年丙辰文天祥榜

甘 談 字貴黜小名澤小字叔閏由太學治賦四舉據寶祐乙卯小名錄補注

科年未詳附末

盧 器 終之孫據十國春秋補

按府志宋進士自易少儀以後三十九人均未注明

何縣今據舊志載羅長康羅長民趙伯薇趙愈夫趙

善救劉堪趙師任趙熙夫化成巖青蓮洞碑載張拱

之十國春秋載易綸為重曾孫易氏乘載易少儀易

元英易乾李渠志載李發小名錄載甘談查出一十

四人皆本邑人餘仍不知何縣姑附此後以俟攷察

姚道古 端拱二年

胡咸秩

戴國楨

劉 說

李儀已上俱淳化三年

劉滂紹聖四年

黃裳元政和二年

費紹祖政和五年

駱仲舉政和八年

趙安仁宣和三年試中道科

黃次元裳元弟

李祖樞紹興五年

潘郢

彭蔚俱紹興十一年

郭昌明

彭道年俱乾道二年

石鎮

李長民俱淳熙十一年

黃淮由國學登慶元二年

張耕嘉泰二年醴陵大夫

趙彥俛

趙師回俱寶慶二年

趙彥潤

趙希瑀俱紹定二年

元

按元自延祐二年始開科取士會試第進士題名有錄前志多無考今祇錄其可知者

至治元年辛酉宋本榜

夏鎮詳傳

至正五年乙酉張士堅榜

袁州海牙詳傳

按府志人物傳云高昌人入宜春籍攷通志至正

二年進士有袁州海牙注蒙古人隆興籍四年鄉

試又一袁州海牙注分宜人即其弟中都海牙通

志亦注蒙古人袁州籍所載參差姑從前志存之

至正二十年庚子魏元體榜

中都海牙

字伯淵袁州海牙之弟治書經授教官

明

按明制進士自洪武乙丑科始更詩賦經義以四子書五經為八股文名曰制義藝其會試之年定以辰戌丑未申酉永樂二年補行會試七年己丑例舉會試以北征改于九年辛卯科會試天順七年癸未場屋火改於八月會試至明年甲申殿試正德十五年庚辰會試至明年辛巳世宗即位殿試餘俱如制

洪武十八年乙丑丁顯榜

陽定周

華容縣丞

永樂二年甲申曾棨榜

彭斌

刑部主事

成化二年丙戌羅倫榜

袁魯訓

孝顯裔孫第九名詳傳

成化十一年乙未謝遷榜

郭紳

詳傳

成化十四年戊戌曾彥榜

高琬

詳傳



劉聰 給事中陞副都御史

成化十七年辛丑王華榜

蕭義 詳傳

張鳳 詳傳

宏治三年庚戌錢福榜

龍夔 字舜卿歷官儀制主事主客郎中太平知府

宏治九年丙辰朱希周榜

彭夔 詳傳

龍霓 歷官按察僉事

周臣

正德十二年丁丑舒芬榜

郭敘 紳之子詳傳

嘉靖八年己丑羅洪先榜

何偁 詳傳

嘉靖十七年戊戌茅瓚榜

楊以誠 詳傳

郭進 萊州府推官太僕寺丞南京刑部郎中汀州知府著有遺珍集

嘉靖三十五年丙辰諸大綬榜

楊衍慶 壽光知縣行取雲南道御史歷官布政

嘉靖四十四年乙丑范應期榜

易可久詳傳

萬曆二十六年戊戌趙秉忠榜

袁業泗魯凱姪孫詳傳

萬曆四十七年己未莊際昌榜

袁一鳳詳傳

潘士聞懋勳之子詳傳

天啟五年乙丑余煌榜

袁繼咸魯訓元孫詳傳

崇正四年辛未陳子泰榜

梁佳植詳傳

崇正十三年庚辰賜史惇等特用出身

按是科特用直省舉貢共二百六十三名內舉人一

百六十三名歲貢生一百名江西舉貢四十名

李素由歲貢生特用詳傳

皇清

謹按 國朝會試年因明制以辰戌丑未其試文初亦

因明制康熙二年更入股文章以策論考試祇二場歷

丁未及己酉八年沿襲弊甚復興八股文至今因之乾

隆丁丑會試己卯鄉試于二場經文外設五言八韻排

律詩一四十七年改為第一場至戊申通試五經不准

各習嗣是小試亦然康熙十一年鄉會試于常額外取  
中五經舉人三名至乾隆初年始裁康熙五十二年特  
設鄉會試

恩科以後每遇

廟謚

御極

萬壽各覃恩有加無已且有

恩賞年老諸生舉人各例洵前代所未聞也中惟康熙癸巳

雍正癸卯乾隆壬申二月鄉試八月會試因之雍正甲

辰鄉會試亦然乾隆戊申己酉為鄉會試正科己酉庚

戌為

恩科餘如舊制

康熙三年甲辰嚴我師榜

袁繼梓

業泗之子詳傳

雍正元年癸卯 恩科于振榜

袁起濤

詳傳

雍正二年甲辰陳憲華榜

黃在中

詳傳

嘉慶十四年己巳 恩科洪瑩榜

徐輔忠

現任湖北南漳縣知縣

嘉慶十六年辛未蔣立鏞榜

周德潤詳傳

嘉慶二十二年丁丑吳其濬榜

易曰廉

現任翰林院編修

嘉慶二十四年己卯 恩科陳沆榜

劉潮詳傳

道光三年癸未林召棠榜

曾際虞

現以知縣即用分發河南

舉人

元

按唐宋進士諸科各有常額其州縣舉到之人未經省試者皆謂之舉人既試而得第則各以其科名之如秀才明經進士明法明字明算之類其不得第者州縣復試乃解開寶七年詔進士諸科下第者直詣禮部謂之免解其後特恩則一行之然亦須御試合格乃賜第授職元沿宋制鄉薦不由省試每路各貢三四十名後每歲一貢至所貢之人或一二舉或三四五舉不等皆不題名故元以前鄉試皆無考即元亦祇知五人

延祐元年甲寅

按延祐二年始開科每三歲一舉此云元年恐有悞

夏 鎮第三名 見進士

科年未詳附末

夏以忠大都流寓科 第二名詳傳

李炳奎號古澹授教官 據嘉定志補

易 杞字紫霄新昌知州 據嘉定志補

易景升字方海治書經滄水 主簿據嘉定志補

明

按洪武三年庚戌開科鄉試連試三科停止至十七年

甲子復舉於鄉以後定以子午卯酉年鄉試永為例其

初試禮部不第者或即除教官或選送入監或回籍肄

業皆許次科再試不必復由州縣舉報其入監者數科

後資深選授官職即未入監者亦挨次詮選故明舉人

皆有錄題名與唐宋元不同茲惟由貢生及他籍中式

者注之餘不注

洪武四年辛亥科

易 斌化比鄉人歷任雄州刺史吏部郎中

洪武十七年甲子科

陽定周見進士

建文元年己卯科

吳 哲

按明初府學歲貢生有吳哲注故城教諭擬卽其人由歲貢生中式府縣前志均未注明

永樂元年癸未科

攷壬午各省停科惟福建未停至是科補行鄉試府

志作元年癸酉誤

彭斌見進士

按斌府志作彬

永樂六年戊子科

謝廷珪嘉定教諭

陳楫順慶同知

按明初府學歲貢生內有陳楫注蓬州同知擬卽其人由歲貢生中式府縣前志均未注明第職官同而郡名迥異

永樂十二年甲午科

周忠

江瀚原

永樂二十一年癸卯科

袁嗣節善和鄉橫塘人

周謙體陵訓導

鄧昇

宣德四年己酉科

彭夔

按前志與府志明舉人彭夔有二一載宣德四年舉人一載宏治八年舉人九年丙辰進士攷通志宏治九年丙辰進士亦二彭夔俱安福人一汪福建籍中式另又一人一汪布政卽後載乙卯舉人丙辰進士字師舜者緣其祖彥克由安福入宜春籍乃知宏治間之彭夔不由本籍中式無怪其名重出第府縣志俱不注明別籍故多疑耳

劉

文

國子監助教

彭

發

鳳陽府教授

宣德十年乙卯科

彭志昌

春秋經魁

正統三年戊午科

易

賢

寶應訓導

正統九年甲子科

劉

衢

北外廂人詳傳

景泰四年癸酉科

袁魯訓

號樂園善和鄉橫塘人治禮記第十六名見進士

天順三年己卯科

傅泰 樂清教諭

陳鐔 比外廂人由歲貢生應天中式第十三名庚辰會副澧州知州廉能有聲

按明會試原有副榜一例無定額不稱進士

國朝因之至雍正初改為明通榜亦不稱進士沿至

乾隆丙戌

特恩舉人大挑一二等分別揀用即此例亦裁

成化元年乙酉科

蕭義 見進士

成化四年戊子科

高琬 南潯人乙未會副見進士

郭紳 見進士

劉聰 蕪州籍順天中式見進士

成化七年辛卯科

朱鑾 歸化鄉彬江人詳傳

成化十年甲午科

龍夔 暹之子見進士

成化十三年丁酉科

張鳳 見進士

成化十六年庚子科

汪鳳朝 字應解



成化二十二年丙午科

彭直 字古愚

宏治五年壬子科

黃黼

龍寬 字致仁應天籍中式見進士

宏治八年乙卯科

彭夔 字師舜安福籍中式見進士

周臣 揚州籍中式見進士據通志補

宏治十七年甲子科

林炤 善和鄉洞江上人第

正德二年丁卯科

郭叙 字天倫紳之子見進士

正德十一年丙子科

郭鵬 新坊人解元詳傳

嘉靖元年壬午科

按正德己卯宸濠之變科廢是年倍額取一百九十

人

龍復禮 字任甫夔之子桃源知縣改浦城

按府志任甫之任作仁

高祉 字用介琬之子詳傳

嘉靖四年乙酉科

何 偁 字邦美號翁亭見進士

郭 鵬 字時化新坊人鵬之弟

嘉靖十年辛卯科

楊以誠 字明夫上水關人見進士

嘉靖十六年丁酉科

郭 進 字抑之新坊人見進士

楊以正 上水關人言信

嘉靖二十五年丙午科

陳巽言 字汝說北外廂人詳傳

嘉靖二十八年己酉科

林有鳳 字吾瑞泗江上人第

嘉靖三十四年乙卯科

楊衍慶 見進士

嘉靖三十七年戊午科

易可久 字德卿化比鄉樵村人見進士

梁 樞 字美化善和鄉長樂人萬歷丁丑會試副榜蕭縣知縣

嘉靖四十年辛酉科

何 慮

萬歷元年癸酉科

朱廷諫 彬江人任通判

萬歷四年丙子科

袁業濂 號觀所橫塘人第四十八名詳傳

萬歷七年己卯科

彭學夔 湖廣靖州知州

萬歷十三年乙酉科

潘懋勳 號異吾化北鄉土嶺人端亮能文下帷無私謁多士師之

萬歷十九年辛卯科

袁業泗 號景源橫塘人業濂弟第四十九名見進士

楊國章 北外廂楊家山人福建惠安知縣陞雲南府同知

朱志 彬江人由歲貢生順天中式詳傳

朱堯宸 彬江人雲南籍中式江夏知縣

萬歷二十五年丁酉科

潘世燿 字海鰲善和鄉夏灌人戊戌會副第一

朱光裕 志之子

萬歷二十八年庚子科

袁業渠 字時薦業泗弟第八十八名詳傳

樂宣化 號黃嶰體陵教諭

萬歷三十四年丙午科

黃朝選 善和鄉胡塘人詳傳

萬曆三十七年己酉科

袁一鰲 號瞻嘍橫塘人第五十五名詳傳

萬曆四十三年乙卯科

梁應暘 號赤心長樂人第三十又名詳傳

袁一鳳 號鳴岐橫塘人第八十三名見進士

萬曆四十六年戊午科

潘士聞 士嶺人懋勳子見進士

天啟元年辛酉科

陳之龍 北外廂人巽言孫宜慶子詳傳

天啟四年甲子科

袁繼咸 號湛思又號臨侯別號袁山橫塘人魯訓元孫第十名見進士

錢經濟 明村人癸未會副第四名詳傳

彭汝翼 下浦人性清謹不求利祿未仕而卒

崇正三年庚午科

王道光 舒城太和知縣

梁佳植 長樂人應暘子見進士

崇正九年丙子科

梁應賜 應暘弟由榜貢生中式第十六名詳傳

湯民熙 詳傳

崇正十二年己卯科

選舉

何山第五名  
詳傳

崇正十五年壬午科

劉映洙第五名  
詳傳

朱光祺志之子  
詳傳

皇清

謹按 國朝鄉試年因明制以子午卯酉中惟順治二

年乙酉未開科改於次年丙戌康熙十四年乙卯以吳

逆亂廢科乾隆間以戊申為正科己酉為

恩科餘俱如制第自康熙癸巳以後屢設

恩科及額外加五經召試年老并官卷大挑諸例迥與前明

有異乾隆戊申以前各習一經以習詩經者衆不注治

他經者注之戊申以後

詔皆習五經亦不注

順治三年丙戌科

潘師質字子方士闈子第  
八十六名詳傳

順治十一年甲午科

楊尙義字質卿上水關人  
第六十九名詳傳

順治十四年丁酉科

袁繼梓字勝之業泗子由拔貢副榜  
中式第八十一名見進士

順治十七年庚子科

袁一菁 字次莪橫塘人治春秋第十五名詳傳

康熙二年癸卯科

潘士斗 土嶺人于達子治春秋第五名詳傳

袁克昌 字燕皇一鳳子由副榜貢生中式第三十名詳傳

康熙二十六年丁卯科

張世竣 字天極北關人理學卓菴先生子第五十二名詳傳

康熙二十九年庚午科

劉長發 字慶永北外廂人第四十二名兩修縣志著有飛霞園詩集

康熙三十八年己卯科

甘汝楹 字敏上化南鄉塘漢人第十三名選清江訓導未任卒

康熙五十二年癸巳 恩科

黃在中 字公瓚信義鄉人第九十一名見進士

康熙五十九年庚子科

袁起濤 號蘇山橫塘人由歲貢生中式第五十一名見進士

雍正元年癸卯 恩科

袁芳杏 號魯齋起濤子第八名詳傳

雍正二年甲辰科

易之泰 號寅齋修仁鄉上水汶人第九十三名詳傳

雍正七年己酉科

袁芳松 號筠齋橫塘人第九十名詳傳

乾隆三年戊午科

梁日華

字尹維善和鄉長樂人第六十九名丙戌人挑一等以知縣用分發山東改授教諭詳傳

按舉人大挑自乾隆丙戌科始 例于會試後挑

一等者以知縣用分發各省挨次題補挑二等者

以教職選用先定三科一挑後以試用人員擁擠

改至四五科不等

乾隆九年甲子科

朱文岫

字卿雲彬江人由拔貢生中式第四十四名學問淹通潔已守正

按已前鄉試無定額臨場照人數奏請至是科可

子乃額定江西九十四名舉人永為例

乾隆十二年丁卯科

袁起炳

字蔚其芳松之父第六十七名見封贈詳傳

乾隆十五年庚午科

劉孔煌

字旭旦修仁鄉貫溪人第二十三名丙戌大挑二等大庠上猶教諭臨江教授

袁起炯

字恢遠起炳之弟由副榜貢生中式第二十一名詳傳

乾隆二十四年己卯科

彭維舉

字簡升薦裏鄉中溪人第二十二名壬辰大挑一等詳傳

乾隆三十五年庚寅 恩科

劉師殷

號珍圃石裏鄉人第九十四名丁未大挑一等詳傳

乾隆三十六年辛卯科

袁起宇 號肯堂橫塘人第七十一名丁未大挑二等詳傳

乾隆五十七年壬子科

楊錫輅 號莘畬比外廂人第三十八名嘉慶丁丑大挑二等現任撫州訓導

易儒傑 號雲巖遷喬鄉人第五十名詳傳

李觀瀾 號晴川薦裏鄉九十七人第七十二名嘉慶辛酉大挑一等詳傳

乾隆五十九年甲寅 恩科

何起欽 字文思西隅人第二十九名嘉慶戊辰大挑二等詳傳

易謙光 字曉堂薦外鄉西村人第六十五名詳傳

乾隆六十年乙卯科

彭定麟 號紱堂薦裏鄉中溪人第三十五名嘉慶戊辰大挑一等現任山西大谷知縣

嘉慶五年庚申 恩科

劉慎徽 號文山石裏鄉田南人第二十二名詳傳

潘大京 字文珊善和鄉良灌人第九十三名

嘉慶六年辛酉科

易廷華 號蘭谷石外鄉西坑人第二十七名詳傳

嘉慶九年甲子科

周德潤 號海千修仁鄉下水汶人第二十五名見進七

劉起瞻 號邱亭薦外鄉拓桑人第二十九名詳傳

嘉慶十二年丁卯科

易晉書 號寶之修仁鄉上水汶人第三十一名丁丑大挑二等現以教職選用



嘉慶十三年戊辰 恩科

徐輔忠 號巽山 遷喬鄉人 第十六名見進士

黃邦達 號長垣 薦裏鄉水江人 第四十六名 丁丑大挑二等 現以教職選用

黃顯謨 化北鄉土嶺人 樂都姪 第五十四名

嘉慶十五年庚午科

劉潮 號韓門 北外廂人 第三十一名見進士

張運謨 號鳳臺 薦裏鄉魯溪人 第八十名

嘉慶十八年癸酉科

易曰廉 號心泉 歸化鄉下浦塘頭人 由拔貢生中式第十八名見進士

王廷棟 號柏菴 石外鄉金瑞人 第二十二名

嘉慶二十一年丙子科

曾際虞 號已初 石外鄉溪村人 第三十二名 丁丑考克 覺羅官學 止紅旗教習 見進士

嘉慶二十三年戊寅 恩科

袁芳臻 號駢之 別號笛帆 橫塘人 由拔貢生中式第八十四名

道光元年辛巳 恩科

陳樹豐 號玉田 北外廂人 第四十六名

易在書 號玉堂 化北鄉槎村人 第八十三名

道光二年壬午科

張沅 號湘帆 遷喬鄉人 由優貢生中式第六十一名

皇清

恩賞舉人

謹按鄉試自嘉慶甲戌以前生監年滿七十以上者副榜下屆 賞舉人八十以上者 賞舉人貢生七十以上者卽 賞舉人今則奉 例八十以上者副榜九十以上者舉人會試自甲戌以前年滿八十以上者 賞翰林院檢討職銜七十以上者初 賞國子監學正職銜遞加助教檢討今則奉 例惟九十以上者 賞檢討

嘉慶六年辛酉科

王之鋒

石外鄉金瑞人由歲貢生年逾七十應  
次科壬戌會試 賞國子監學正職銜

例

嘉慶十二年丁卯科

何起鑑

字濬藻西隅人由附生年逾八十應  
四年亡巳會試 賞翰林院檢討職銜

例十

嘉慶十三年戊辰 恩科

袁起新

號蓉峰善和鄉橫塘人由副榜貢生年逾七十應  
十應 例次年己巳會試 賞國子監學正

職銜祝 殿獻詩辛  
未再應會試加助教

嘉慶十八年癸酉科

劉

端

石裏鄉人由 恩貢生年逾七十應  
十應 例後戊寅舉正實詳傳

盧

豐

石外鄉人由本科歲  
貢年逾七十應 例

武舉人

皇清

謹按武舉制自唐武后長安二年始貞觀十四年罷元

和二年復置後廢宋天聖七年復置武舉皇祐元年罷

治平元年令在內御史在外鈐轄以上薦舉乾道五年

廷試始依文舉給黃牒榜首賜武舉及第餘並賜武舉

出身元無武舉之制明洪武一十年羣臣請立武學不

從天順八年始令諳曉武藝之人兵部會同京營總兵

考試加武職以聽調遣宏治六年定六年一舉十七年

更為三年一舉正德三年准各色人等應武者于文舉

鄉試之年十月巡按御史試之分三場其三次中式者始行揭曉准作武舉人禮送兵部于次年四月會試中式者一月後廷試分爲三甲與進士同嘉靖十七年改于九月會試

國朝沿明制十月鄉試以巡撫部院主試次年十月會試康熙間准各學廩增附生監生及出征有功兵丁俱與武鄉試至乾隆三年以後例皆裁江西定以四十四名宜春鄉會武試自乾隆以前皆無考今祇錄其可知自乾隆戊午科始

乾隆三年戊午科

施典 城內人由監生第二十九名

按監生應武試卽於是科後奉裁

乾隆六年辛酉科

施雲龍 典之弟第二十八名

乾隆十七年壬申 恩科

晏世俊 石外鄉溪村人第三名

羅球 第十名

劉大用 第十三名

乾隆二十一年丙子科

謝大勇 石外鄉人第二十三名江南興武衛千總

乾隆三十三年戊子科

周榮棠 遷喬鄉嚴嶺人 第二十二名

乾隆四十二年丁酉科

謝際榮 石外鄉人任福建福州千總乾隆丁未征臺 賞獲雲騎尉畢世襲恩騎尉祀廡

州昭 忠祠

乾隆四十四年己亥 恩科

王 笏 城內人

嘉慶五年庚申 恩科

周 縉 嚴嶺人 第八名

嘉慶十三年戊辰 恩科

湯金鰲 石外鄉新田人 第八名

嘉慶十五年庚午科

周文案 嚴嶺人 第五名

嘉慶十八年癸酉科

袁光炳 遷喬鄉石下人第二十八名現任臨江營城守千總

嘉慶二十三年戊寅 恩科

楊鳳翔 石外鄉 漫村人

嘉慶二十四年己卯科

易在梧 化北鄉槎村人 第十一名

周雲鵬 縉之子 第三十九名

選舉

道光二年壬午科

王定鰲 集雲鄉人 第九名



貢生

袁州府學

明恩選貢生

按明稱恩貢為恩選貢生每遇大典恩例行之又稱恩例貢生從前郡邑志諸正貢與廩生援例加貢并書惟恩選選貢二途尤混且皆不注明年分今照式分別錄其所可知者府學得若而人即縣學亦然

張瓚 字富伯

按瓚府志未載茲從前志

袁若璣 善和鄉韓塘人 炳子萬歷己卯年選密雲教諭有品行

袁若環 歸德人萬歷間恩例北京東城兵馬司副指揮使有治才

彭汝明 天啟年選詳傳

梁應賜 善和鄉長樂人天啟丁卯年選見舉人

易嗣重 化南鄉泉塘人崇正己巳詳傳

皇清 恩貢生

謹按 國朝例稱恩貢生自康熙元年以後每遇 恩詔直省府州縣學俱以本年正貢改為恩貢康熙十五年廷試如歲貢二十六年停止廷試其就職詮選用與拔副二貢俱以直隸州州判復設教諭選用惟道光二年特恩考職分別三等與常例不同

郭 肇 敘會孫順治辛丑本邑衛籍由萍鄉入學

姚 蠡 康熙丁丑

林朝埭 善和鄉洞江上人燦子戊子

明選貢生

按明選貢生制于生員內擇文行兼優年富力强額數隨時多寡入監不與廷試至崇正元年始稱拔貢

楊伯憲

比外廂人洪武庚戌蔚州同知

高士忠

南隅人連江縣丞琬之父并見封典

周仲斌

薦襄鄉界溪人永樂戊子邵武府推官

易廣禮

石外鄉人大興縣丞陸安縣知縣

彭

稷

字師稷

柳

彰

字雲林成化壬寅湖廣辰州推官父東曉庠生著有白圭文集

袁

賢

字養軒善和鄉橫塘人宏治間山東萊州推官



高祐 字用厚 宛姪 嘉靖丁亥 饒平學正 國子監學錄

彭錫 薦裏鄉 霞垣人 隆慶間 大寧知縣

劉應選 字志伊 號傲齋 衛之孫 隆慶戊辰詳傳

李名臣 善和鄉 寨下人 萬歷丁酉

樂鳴時 歷官太平府同知 清卓有治聲

郭登魁 廣西遷江 知縣 長厚 古樸雅稱 遺直

蕭廷鷺 字弼我 北外廂人 崇正間 歷任天河知縣 池州同知 清介自持 卒年八十有一

蔣大韶 崇正乙亥

袁繼梓 橫塘人 業泗 次子 辛巳又中 壬午 順天副卷 見進士

袁繼樟 業泗 長子 崇正癸未 由辟薦詳傳

皇清拔貢生

謹按 國朝因明崇正元年例稱拔貢生 順治四年舉

行六年以提學歲試第一人為之 八年又行 十一年准

廩生考經書策論學行兼優者拔一名 克貢送部 康熙

十年准現考一二等生員 選文行兼優者考克府學二

名 縣學一名 二十四年照康熙十一年例 三十六年照

二十四年例 三十九年准遇選拔之年以歲貢之次一

名陪貢克之停止 選拔六十二年復准于優等生員照

三十六年例再行選拔一次 雍正元年舉行 嗣因各省

學政不能秉公選取 國子監未便照例請行 定以六年

一次不拘一二三等生員俱准收考行至乾隆六年  
 詔定十二年選拔一次永為例學政考後會同督撫考  
 驗皆有 朝考向例在午門內擬定等第進呈分作三  
 等乾隆元年准一二等引 見分別授職

陳

灤

北關人之龍子順治辛卯詳傳

潘于達

化北鄉士嶺人甲午詳傳

陳宗道

北關人康熙壬子歷崇義武寧教諭南安教授

歐陽駿

洪田人兩寅

彭之燧

歸化鄉人戊寅宜黃教諭

陳勳昌

北關人雍正己酉

袁芳璩

橫塘人乾隆己酉見舉人

易曰廉

歸化鄉下浦人嘉慶癸酉見進士

高際春

南隅人癸酉

皇清副榜貢生

謹按明會試稱副榜鄉試僅稱副卷無定額仍應歲科  
 二試崇正十二年准作貢亦僅一科 國朝順治二年  
 定順天鄉試副榜五十五名增附准作貢監廩生及恩  
 拔歲貢貢監俱免坐監即與 廷試康熙元年停止十  
 一年准作貢送監永為例江西定以一十八名故錄副  
 榜自 國朝始近則推恩年老諸生有 恩賞副榜貢  
 生之例一并列入

潘士辛

字元功化北鄉土嶺人于達于康熙乙酉副榜庚辰正貢後又兩中乙酉第八名甲午第

十五名副榜

晏際煌 石外鄉漫村人 乾隆己酉第六名

張鳴岡 集雲鄉親仁里人 嘉慶戊午第十五名

恩賞副榜

袁起新 橫塘人 丁卯鄉試年 逾七十應例見舉人

明歲貢生

按明洪武十六年令天下府縣各歲貢生員一人送翰林院考試中式者送監讀書積年分以授職二十一年定府學一年一人縣學三年一人二十五年府學一年二人縣學一年一人永樂十九年復照二十一年例宣德七年復照洪武二十五年例正統六年府學一年一人縣學二年一人天順六年准年滿四十以上之廩生作貢舉行未久仍照正統六年例永為定例成化十四年令歲貢生員願就教職者坐監一年方送吏部考試中者送廷試取中選用萬歷二年定于三月到部四月

定者果元 卷三  
廷試有願就教者六月吏部覆請廷試至天啟後盡行  
廷試並無黜落第選教缺悉外省迄

國朝始改本省 又按高琬年譜天順六年提學李齡循  
例以年滿四十以上考取袁州府學廩生十六名應貢  
赴京入監是六年應例歲貢生在府學已十有六名今  
查府縣前志多未注明年分且顛倒重出不 今悉正  
之

盧 循 清遠  
知縣

袁慶祥 詳  
傳

陳 楫 蓬州  
同知

按永樂戊子舉人有陳楫擬即其人由歲貢中式

戚 賢 廣西監  
察御史

吳 哲 故城  
教諭

按建文己卯舉人有吳哲擬即其人由歲貢中式

徐克敏 南陽人東  
流知縣

彭 鏞 寧波  
同知

羅 紳 詳  
傳

柳 渾 字質敷化北鄉瀛溪人嚴州  
同知署府篆修學宮客星閣

按渾前志列明末茲因其家乘載洪武間置此

易 衡 化北鄉槎村  
龍川知縣

劉福崇

縣丞

彭述

堂邑知縣  
光州知州

易季彥

槎村人  
衛經歷

袁榮

陽山  
縣丞

劉墳

臨淮府  
推官

劉義

浙江都  
司經歷

蕭盛

北外廂人  
永樂間祁州判

劉綱

永春  
知縣

劉觀

將樂  
縣丞

高富

字廣才  
壽光主簿

傅霖

巴陵  
主簿

郭洪

浙江布政  
司副理問

按已上俱成化以前貢第郭洪分宜志載分宜人

列縣學

楊樞機

成化丁亥任  
維摩州同知

易元載

槎村人  
隆慶衛經歷

蕭道行

按道行前志載本邑人府志載分宜人列縣學注

樂平教諭分宜前志未載後志載同府志攷蕭氏

乘北外廂人

彭貫餘姚主簿

劉璇

彭澄字勉定詳傳

陳珪字廷實入監

劉景序建寧訓導

劉松

劉紀寧海訓導

郭禮涿州訓導

按分宜志載分宜人列縣學

高映富子字明之金川衛經歷

高禧土忠姪字用吉和州同陞知州未任

朱鏊彬江人臺州州同

陳雲鵠鐔孫浦溪教諭

鄒轍宜德己酉

劉銓字廷信衢孫儀真教諭

朱鎮彬江人惟寧教諭

朱鳳彬江人饒州教授

朱鍊彬江人衢州訓導

徐斨南隅人大湖縣丞

袁豐號清泉上桂人無為訓導

彭 輔 集雲鄉月山下人沅州州判屢舉鄉飲賓

吳鳳昂 無為州訓導嘉善教諭

袁士達 善和鄉星塘源人嘉靖壬戌福建政和教諭舉鄉飲賓

張 會 字愛雲宣城訓導

按府志注分宜人宣城訓導廣州教授分宜志載嘉靖三十六年歲貢上虞訓導宣城教諭廣州教授攷紹興府志嘉靖中上虞教諭有張會注分宜人擬即其人茲因前志已載姑存之

李 持

顏 昇 訓導

易 悌 九江府訓導父之父見封贈

余希周 石裡鄉余家坊人萬歷癸酉浮梁訓導宜興教諭

潘 宇 泗子力學敦行任東昌教諭有歸範入名宦

曾子文 任教授陞杞縣知縣

張 垣 樂平訓導與國教諭

按張世竣齒錄垣作坦

朱 深 歸化鄉彬江人南安縣主簿

張景星

梁其性 善和鄉長樂人萬歷癸酉貴州都司武學教授

蘇以敬 彬江人新

選舉



林有鴻

善和鄉泗江上人萬歷甲申

林有鶴

泗江上人嘉靖己酉壬子副卷萬歷乙酉歲貢著有文翰集

楊 縉

北外府上水關人萬歷甲午寧陽縣丞

易可傳

悌子撫州訓導

按臨川志載臨川訓導

潘懋舉

化北鄉土嶺人泗之孫德慶州判懷夾有士行

周文炳

遷喬鄉嚴嶺人臨江府訓導

李名卿

寨下人萬歷乙巳吉水訓導

李容芳

寨下人萬歷庚戌永新教諭

潘 海

善和鄉良灌人萬歷辛亥雅志著述

黃同寅

袁若瓚

韓塘人天啟乙丑廣東儋州州同有才品臺司交薦應上考卒於官

按府志自袁若瓚以下俱列縣學誤茲據蕭志攷

正

李中宿

寨下

按李氏乘有李中實容芳子天啟乙丑歲貢歷蘇州教授郡邑志未載恐宿實二字之譌

張 煒

歷廣東長樂教諭端嚴有師範

陳之麟

北關人貴溪訓導

李世英

柘桑人瑞金教諭

按府志於世英外又採贛州志補時英瑞金訓導  
明係重出因世時二字而誤

劉相貴 樂安教諭 舉鄉飲賓

甘啟元 郭橋人原名純初以字行上 高訓導饒州教授有文學稱

袁業汾 橫塘人天啟丁卯繼 咸父見封贈詳傳

袁應龍 字時化橫塘人天啟丁卯嶽古質直好學能 交高尚不仕以方正廉耻自勵學者宗之

易嘉男 槎村人可傳子選 建昌訓導未任卒

郭登科 岳州 教授

楊開泰 北外廂人崇正壬申選授 永新訓導陞桂陽州學正

楊升亨 國華子崇正間貢歷官南昌府訓導貴州 銅仁知縣思南同知清操介節祀名宦

黃路清 知縣

按福建建城志明末建城教諭

袁表儀

彭應昇 輝孫新 昌教諭

彭以任 知縣

袁繼炳 橫塘人崇正丁 丑長厚有古風

吳兆

按兆載府志前志未載

袁俸

李素 崇正己卯庚辰特 恩准舉貢會考賜出身

袁應詒

善和鄉荆橋人萬歷壬子副卷崇正辛巳歲貢

易來泰

劉文燧

修仁鄉劉家坊人崇正間貢

袁繼威

橫塘人繼威兄萬歷乙卯副卷崇正辛巳歲貢詳傳

按府志嘉靖以前府學貢生內有九十一人俱未詳

何縣人並未載明何貢茲據舊志載郭禮易廣禮

列今 選貢 劉福崇 吳哲 張瓚 今列恩選貢生 高琬 年譜載 戚賢 彭

鏞 易衡 袁榮 高富 陳珪 高映 高禱 高祐 今列選貢生 彬 江

石陂 乘載 朱銓 朱鎮 朱鳳 朱鍊 北關 楊氏 乘載 楊樞

機 易氏 乘載 易季 彥 易元 載 嘉善 縣志 載 吳鳳 昂 上

桂 乘載 袁豐 吳村 盧氏 乘載 盧循 陳氏 乘載 陳楫 郭

氏 乘載 郭洪 周氏 乘載 周仲 斌 今列選貢生 考出本縣共

二十六人餘應列附明歲貢之後以俟查攷

周孟禪 零陵知縣 陶宗銘 河清知縣 彭 偉 連山知縣

何 輔 應天推官 陳擊 柝 刑部員外 葛 敏 江安知縣

龍正中 工部主事 袁 徽 遂寧知縣 李 濤 福山知縣

楊 嶷 辰州知府 葉元真 黃巖知縣 鄒 濟 楊州同知

黃 瑾 武陵知縣 彭 紀 吏目 楊 瓊 吏目

黃 峻 廣東拔知事 高 鐸 經歷 白源清 巴縣知縣

李 堅 仙居主簿 陳 暹 浦城縣丞 榮 華 應縣知縣

選舉

陳

徵

補江知縣

張

旭

永州推官

譚

浩

英德知縣

曹

榮

湘潭教諭

朱

勝

衡陽縣丞

李

彬

汀州照磨

詹

慶

蒙城教諭

伍

常

縣丞有伍

彭

遜

成都照磨

教諭未審師其人否

朱

晟

衡山縣丞

彭

遜

成都照磨

高

昭

陳

祿

雷

清

雷州照磨

白

錦

胡

泳

豹韜衛經歷

郭

釗

陽江訓導

王

宣

永安州判已上成化前

易

明

都司經歷

李

萬

清遠教諭

郭

蒙

路南吏目

彭

煥

湯

傑

何

仕

奇

楊

皞

肇慶推官

黃

復

端

黃

翰

袁

忠

已上俱宏治

彭

康

胡

高

零陵訓導

彭

賢

元氏訓導

李

萬

魁

高

仲

蘇

時

黎平訓導查係本邑彬江人

顏

奎

經歷

陽

春

和

王

憲

布經歷

曾

輝

黃

繡

縣丞

郭

震

訓導

易

元

伍

德

隆

李

章

孫

仲

高邑教諭

彭

一

沙縣訓導

熊

琮

宜興訓導

皇清歲貢生

謹按

國初因明制康熙三年停止歲貢十年復行二

十六年

詔免廷試永為例向例廷試上卷授知州推

官上次授

知縣中卷授通判中次授教職自免試祇選

訓導一途道光二年考職與優貢生監生并考分別等第選授正九從九二職不為例

何江 山兄順 泊丙戌

劉相 善和鄉悉 帶人丁亥

李京 北隅人戊 子詳傳

朱光祐 歸化鄉彬江 人庚寅詳傳

何思魯 辛卯

黃士紳 癸巳

張幼巡 薦裏鄉魯溪人崇正 壬午副卷乙未詳傳

周京 修仁鄉名得里 上水汶人辛丑

袁士佳 應詔子康 熙壬子

李俊顯 善和鄉社江背人 辛酉新昌訓導

易泰縉 槎村人丙寅謹厚 質實有古人風

湯大器 戊辰

林喬植 善和鄉南村 人甲戌詳傳

袁克寵 字師劉橫塘人 繼成孫辛巳

袁克紳 字縉之橫塘人應龍 曾孫甲申安福訓導

袁種槐 士瑞孫丙戌 上饒訓導

按種槐之槐府志誤作華今查其家乘正之

易曰鼎 詔仁鄉茂才里人庚子武寧訓導在任九年 造士有方致仕後舉鄉飲賓以孝友著於鄉

彭之璋 歸化鄉人雍正丙午類敏好學耄而猶勤

李如槐 善和鄉舉通人戊申詳傳

余運高 石裏鄉余家坊人庚戌

楊廷瑜 集雲鄉南廟人癸丑

彭定燧 忠良人乾隆己未

鍾聲洪 遷喬鄉人乙丑

劉之椿 修仁鄉賈溪人之杖弟丙寅東鄉訓導

張于燈 西隅人丁卯大庾訓導

李月桂 北隅人戊辰

袁起揚 橫塘人丁丑

樂名韶 化南鄉岐塘下人癸未

胡仕鑑 水汶人己丑

陳希堡 北關人辛卯

謝 燒 薦外鄉潭邊人乙未

彭祖年 薦裏鄉滄頭人辛丑詳傳

彭志崇 薦裏鄉中溪人乙巳

易 綱 化南鄉泉塘人丁未

段如錦 東隅人乾隆辛亥詳傳

晏 梅 石外鄉溪村人癸丑詳傳

葉文煒 南隅人嘉慶丙辰

宜春縣志 卷三

謝向灼 集雲潭嚴坪人庚申加捐訓導署吉安教授

陳光泰

石外鄉仙塔人丙寅

張南金

善和鄉東嶺下人庚午

黃邦印

薦裏鄉水江人辛未著惠我堂文集

蕭如玉

修仁鄉觀背灣人乙亥

王

詔 西隅人庚辰

張志權

薦外鄉人癸未

皇清貢監生

謹按貢監生有三途一直省府州縣不拘屢增附每學將文行兼優者大學起送二名小學起送一名入監肄業名為貢監生與今優貢無異一隨征廩生俱准貢監生員有軍功二等准作監生更有軍功二等准作貢生一生員願助城功一千兩以上者准作貢監生坐監三月歷事一個月五百兩以上者准入監坐監六個月歷事三個月聽吏部考用後俱奉 裁今查宜春府縣學皆有其人因列歲貢之後另為注明

袁一颺

橫塘人繼樟子康熙壬子文行兼優科貢監生詳傳

袁一煊 橫塘人繼梓子貢監生授縣丞

優貢生

謹按雍正十一年定優生由廩增取者准作歲貢由附生武生取者准作監生皆有 廷試不分取舍各省額數不一均限鄉試正科三年一舉江西定額六名

張沅 遷喬鄉人嘉慶庚午見舉人

廩貢生 附

謹按康熙十三年令府州縣學生員捐納歲貢一體廷試二十六年停止 廷試近准廩生加貢加捐教職

因并前志府志所已載者附於貢後

彭孫駟 薦裏鄉中溪人





宜春縣學

明恩選貢生

程潛遠

按府志載明末選貢前志載歲貢擬卽恩選貢生

列此

袁一芝 橫塘人崇正甲申詳傳

皇清 恩貢生

彭翰霄 順治乙酉

袁繼節 橫塘人丙戌

袁一麟 橫塘人辛卯

梁程 善和鄉長 樂人戊子

李雲虬 歸化鄉人 康熙壬寅

楊允泰 修仁鄉潮陂頭人 士元子 乾隆丙辰選德化訓導 未任卒

易曰臨 詔仁鄉茂才 置人曰 鼎弟 庚午安仁教諭

郭藩 壬申

傅一舉 壬午

李一元 薦外鄉 柘桑人 辛卯

袁起韶 橫塘人 己亥

彭祖述 薦裏鄉 滄頭人 乙巳 詳傳

何大慶 化北鄉 人 己酉

劉端 石雲鄉 錄孟塘人 嘉慶丙辰見 恩賞舉人

曹文藻 薦外鄉 十八塘人 嘉慶庚申詳傳

袁士賢 橫塘人 己巳

張志椿 薦外鄉 人 己卯

袁起先 橫塘人 庚辰

楊錫球 北關人 道光辛巳



選

明選貢生

林

蕃

善和鄉涸江上人  
正德壬午歷揚州教授

袁

熙

橫塘人嘉靖辛卯七  
歲能詩號神童詳傳

袁思誠

會州通判清介  
自持不改寒素

黎文輝

天長  
知縣

按新城志載選貢生隆慶九年任訓導後陞汀州

教授

朱志

任之子見  
舉人詳傳

袁慶揚

善和鄉星塘人萬  
歷乙酉寧都教諭

袁騰鳳

善和鄉  
坑裏人

黃元聲 長沙通判

錢經濟 明村人天啟辛酉見舉人

梁應賜 應賜弟丁卯見舉人

皇清拔貢生

林燦 字叔昭泗江上順治甲午

李宏智 康熙丙寅

陳忠道 字亮采北關人丁丑

楊嗣時 北外廂楊家山人雍正癸卯

湯廷英 集雲鄉南廟人己酉樂陵知縣

袁起宗 橫塘人繼成元孫乙卯武康縣丞著詞六柳堂詩集

朱文岫 歸化鄉彬江人乾隆庚申見舉人

陳清俊 石外鄉仙塘人癸酉

甘士毅 歸化鄉彬江人乙酉歷普洱府同知詳傳

彭之材 西村小江口人丁酉四庫館議敘新州鶴舉州判詳傳

羅鈞 集雲鄉人己酉就州判分發直隸

陳廷銓 北關人嘉慶辛酉道光二年特恩考職以縣丞選用

劉俊 石外鄉人癸酉入監肄業

皇清副榜貢生

袁克昌

橫塘人一鳳子順治庚子見舉人

謹按順治二年准副榜作貢至康熙元年停止例

詳前

何大任

欄江人康熙庚子第十八名

陳希韶

北關人雍正丙午第九名詳傳

易之槐

西隅人乾隆丙辰第十五名

袁起炯

字恢遠橫塘人乾隆丁卯第十  
五名與兄起炳同科見舉人

劉培鐸

修仁鄉劉家坊人庚子第十四名

彭人松

修仁鄉源頭人甲寅第十名

謀學成 信義鄉人嘉慶戊午第七名詳傳

恩賞副榜貢生

張紹華 薦裏鄉人嘉慶辛酉鄉試年逾七十應例

楊大繡 北外廂楊家山人甲子鄉試年逾七十應例

彭洪遇 彭家坊人戊辰鄉試年逾七十應例

袁起寬 橫塘人克紳孫庚午鄉試年逾七十應例

明歲貢生

易友諒 槎村人 州州判

胡兼善 福建都司斷事

鄒勝 太平縣丞

陳德新 宣城縣丞

李圓 湘潭訓導

周仲信 無為知州

彭志忠 後中應天鄉試

按志忠查舉人內並無其人只有宜德乙知舉人

彭志昌恐忠昌二字之訛

朱宜 原武知縣

劉源 韶州經歷後夔州通判

袁鑑 順寧通判

按分宜志載分宜人

柳秉道 化北鄉瀧溪人武平主簿

彭政 集雲鄉月山下人廉州經歷

李元 澧州學正

湯英 南廟人樂至主簿

按府志湯誤作唐湯氏乘英作瑛

彭瑜 鎮遠府經歷

湯鼎 柳州府照磨

呂華

習鼎 衛經歷

鍾旻 崇寧教諭

胡士宜 衡州府知事

龔奇 南靖訓導

林銓 善和鄉洞江上人成化癸卯剡州府訓導

按府縣前志銓俱作全並載天津衛教授今據林

氏乘改正

邱洪 惠州府知事

彭程 山東布政司檢校

王孝 西外廂人 健為知縣

瞿敬 建陽教諭

胡廣 棗陽訓導

彭汝平 湖鄉教諭

馮經 蒲圻主簿

彭觀 臨安訓導

劉達 宣州衛經歷

彭鳳 鬱林州判

鍾崇貴

易有應 桂村人

劉文序 驛寧主簿

吳廷桂 廉州府經歷

余安 兗州通判

易瑜 槎村人

梁萬鍾 石外鄉白沙人

劉祿

易寶 槎村人

袁鍾器 善和鄉韓塘人 孝豐主簿

韓繼善 號芝圃 榷榆縣丞 據東岡集補注



鍾鼎 銅梁教諭

周溥

彭良 薦裏鄉店前埠人

熊槩

傅純

潘泗 字石塢化北鄉土嶺人詳傳

按前志潘泗有二一云任訓導一云宣城訓導今

查土嶺良灌二譜各別確是二人因兩存之

易巽 敘州府通判

何誨

朱德成

黃珍 邵武縣丞

蕭鵬 淮寧主簿

文茂 枝江訓導

宋鉞

顏繡 全州知州

瞿賢 經歷

黃葵 薦裏鄉快雲人十二歲入學

何偉 淳安教諭

王朝佐 西外廂人福清訓導

郭鳳

侯官訓導

彭煥

善和鄉帶塘人嘉靖庚子

李昂

善和鄉安樂里隱居舉人嘉靖辛丑東陽訓導

林憲

善和鄉南村人嘉靖辛丑會稽訓導監山教諭

林宣

南村人嘉靖癸卯陵水教諭

林蓋

泗江上人紹子嘉靖甲辰歷歸化教諭

郭宥

易端祥

黎文啟

密雲衛教授

林蘭

泗江上人嘉靖己酉湖陽訓導

袁震

湖州訓導

張化

蒲城訓導

袁炳

韓塘人嘉靖間野胎教諭

劉光祖

號逸齋應選子嘉靖間貢

潘泗

良灌人嘉靖丁巳宣城縣訓導

朱黼

鳳之子上虞訓導宿松教諭

梁任時

善和鄉長樂人嘉靖戊午

鄒敏

號中溪集雲鄉澗富嶺人汀州教授

彭輝

衡州府訓導

按青蓮洞嘉靖癸巳碑輝作輝

潘 湖 良灌人隆慶戊辰

鍾世舉 永新訓導

彭 輅 集雲鄉月山人侯官訓導

袁 霄 奉新訓導

袁業孔 橫塘人才長子萬厝癸酉廣昌教諭

袁 緯 江都教諭

黃 卿 奉新訓導

朱 任 歸化鄉彬江人詳傳

按朱任前志既列府學明初歲貢註進賢訓導詳傳此又名同官同明係重出當依府志列縣學

傅汝霄

郭登龍 吉安教授

潘 渙 良灌人萬歷己丑臨江訓導

袁 絡 亳州學正

曾一貫 金谿教諭

李慶芳 號厚齋萬歷乙未臨川訓導廣西義寧教諭

林希孟

潘聯錦 土嶺人安義教諭建昌教授

楊國華 萬歷間貢德興教諭饒州教授鄉飲賓升亨之父

李應祥 廬陵訓導

黃繼周 英德訓導

陳宜慶 號陽羨異言子詳傳

潘之楷 良灌人萬歷乙卯廉州學正陞經歷未任

林中魁 涇江上人天啟乙丑

楊綬 北外廂上水關人

黃文蔚

劉世華 號斂之光祖子天啟辛酉副卷崇正壬午歲貢詳傳

袁繼袞 橫塘人熙曾孫崇正甲申詳傳

按乾隆己卯府志於宜春縣學貢生內載楊以誠注崇正戊寅攷府縣前志俱未載即以誠之姓名本邑

嘉靖戊戌已登進士恐未必又有重名後查己卯志

萬載縣學貢生內載楊以誠注崇正戊寅明係重出

誤鈔今逸之

皇清歲貢生

袁士瑋 善和鄉荆橋人順治丙戌詳傳

袁世琦 橫塘人一鰲孫丁亥詳傳

李景晨 寨下人壬丑

易希孟 槎村人辛卯經術湛深文章典雅

劉嚴 壬辰

袁一竣 橫塘人繼炳子甲午詳傳

袁士瑞 荆橋人乙未饒州訓導敘州經歷

按府縣前志俱作袁瑞茲據其家乘正之

易理簡 石外鄉澤陂頭人丁酉康熙七年任雲都訓導陞新淦教諭

彭翼漢 己亥

劉增 相貴之孫辛丑

朱應星 彬江人光祜子康熙癸卯瑞金訓導

徐溥 壬子詳傳

袁邦春 甲寅

周家楨 遷喬鄉嚴嶺人丁巳

易尚行 槎村人嘉男子古未詳傳

盧衡 石外鄉溪村人籍詳傳

張寬 辛酉

楊榮宗 楊家山人癸亥

盧聲 溪村人乙丑選寧州訓導未任卒

廖璜 丁卯詳傳

孫世顯 善和鄉梅村人己巳

袁克堯 字熙載橫塘人一芝姪辛未積學垂訓名傳多出其門久困場屋南考貢而卒識者惜之

張鴻翥 字漸達薦裏鄉竹院人癸酉詳傳

劉有基 悉帶人乙亥貴溪訓導

袁克允 字淑明橫塘人一芝子丁丑

郭冀 善和鄉石藻人已知

袁一莉 字植南橫塘人辛巳父繼爾增廣生教子有方不慕榮利

彭雲峻 字千仞修仁鄉源頭人癸未

袁元會 荆橋人士佳子乙酉

楊士元 字首慈修仁鄉潮陂頭人己丑父名卿直忠厚教子有方因遷於學著四書定解禮記講

義忠孝經小學明解景韓堂集侯刊行世

袁起濤 業詒五世孫字學淳橫塘人庚寅見進士

盧光 洪村人衡子壬辰

李枝揚 社江背人俊顯子甲午彭澤訓導

袁振鐸 業詒元孫字千木號鳧陂橫塘人丙申樂平訓導陞教諭品端學富模範士林

樂遠 修仁鄉樟木人戊戌

劉樗 修仁鄉劉家坊人庚子

易堯 槎村人尚行孫壬寅文章雅贍著述甚富以孝友聞

袁起岳 橫塘人克生孫雍正甲辰

周淑濂 修仁鄉下水人丙午

彭學閔 源頭人雲峻子戊申

陳希謹 北外廩人希節弟庚戌德化訓導

袁芳名 橫塘人壬子詳傳

劉之松 修仁鄉賈溪人甲寅

楊焯 上水關人乾隆丙辰

楊嗣溥

楊家山人乾隆  
戊午峽江訓導

陳烈昌

北外廂人勳昌弟  
庚申新建訓導

劉恢烈

賈溪人壬戌  
鉛山訓導

周 縉

修仁鄉上水  
汝人甲子

劉之栻

賈溪人丙寅長寧龍  
南訓導孔煌之父

謝家樹

集雲鄉巖坪人  
戊辰瑞金訓導

劉之橫

賈溪人之栻弟  
庚午德興訓導

袁振基

橫塘人一峻孫壬申  
樂平訓導天性渾穆

袁起琇

橫塘人克允孫  
甲戌入監肄業

易 欽

修仁里水  
汝人丙子

潘兆慶

土嶺人  
戊寅

袁芳椿

橫塘人起濤次子  
庚辰渾厚性成

袁起藻

橫塘人  
壬午

劉今隆

薦外鄉蓮浦  
人甲申詳傳

張一清

薦裏鄉魯溪  
人丙戌詳傳

黃鎮標

薦裏鄉上通  
人戊子詳傳

陳希城

北外廂人  
庚寅詳傳

易學榮

西外廂溢  
洲人壬辰

易淑旌

桂村人癸巳  
經明行修

周 燕

上水汶  
人甲午

張運南 魯溪人一清子丙中

劉廷錢 賈溪人戊戌選瑞州訓導未任卒

鄧道南 薦裏鄉坊西人庚子學問優長

何大戴 西隅人辛丑

易之遇 遷喬鄉亂石裏人癸卯

王之鋒 石外鄉金瑞人乙巳見恩賞

李有成 東北隅人丁未

彭錫筠 修仁鄉彭家坊人己酉

楊華 薦外鄉分界鋪人辛亥

段志浩 東隅人如錦子癸丑

袁芳哲 橫塘人繼成五世孫嘉慶丙辰補乙卯貢文品兼優士林師之

周銅 修仁鄉下水人丁巳

鍾尙 東外廂人己未

龍從雲 石外鄉金瑞人辛酉

潘學桂 土嶺人癸亥

袁際唐 原名景峯號京山石裏鄉珊樓人乙丑

袁芳琴 橫塘人丁卯

錢尊善 原名文善詔仁鄉明村人己巳

袁錫述 橫塘人芳松好辛未

盧豐 溪村人癸酉見恩賞



林世俊 善和鄉南村人乙亥

李雲達 薦裏鄉九七人丁丑

徐輔仁 遷喬鄉人己卯

袁家欽 善和鄉荆橋人道光辛巳

李世鶴 西隅人癸未



明貢監生

張自烈 北外廂人廩監生詳傳

徐士達 貢監生詳傳

皇清貢監生

甘 濬 郭橋人順治乙酉文行兼優貢監生

張 潛 石陂人貢監生原任壽休縣丞康熙丁巳從穆將軍征湖南授攸縣知縣詳傳

袁克密 橫塘人一鰲子庠生從穆將軍征湖南授衡山典史

廩貢生 附

袁克生 橫塘人康熙壬子授主簿

陳舜道 北外廂人康熙間授縣丞

劉機 修仁鄉劉家坊人 乾隆壬申

黃世勳 在中子 工書法

胡雲登 修仁鄉勸善里人 嘉慶二年循 川楚例加捐訓導 署崇義教諭

錢士衢 詔仁鄉明村人 嘉慶五年循 工賑例加捐訓導 署都昌訓導

劉培莊 機姪孫 丙子

雜途文仕 附

按自科舉貢選外有由功受賜及由禮部儒士由椽考由特恩考取職監由各館膳錄議敘由例貢例監援例捐納者今則統附於此概以雜途名之

唐

李甲 斷軍 吏

按李甲十國春秋列南唐嘉定志列唐載袁州人題名記載宜春人

南唐

黃諷 諫議大夫通文三年 十一月黜載開春秋

按閩春秋載諷以康宗淫暴與妻子辭訣入見康宗欲杖之諷曰臣若迷國不忠死亦無怨直諫被杖死不受也黜為民而歸似此宜列忠義傳第查嘉定志統書袁州人因附事實于此

何

溥

字令通元宗時擢國子監祭酒論休寧令詳傳

按十國春秋何溥識雲氣善地理家言著論氣正訣一卷行世即今所鑄國師何令通鐵彈子是第查其入官以地理聞於朝元宗始擢用之似非薦辟因置此

易文贊

建武冠軍使

按文贊前志未載茲據十國春秋補第其名五代史作贊通志作贊十國春秋作文贊未知孰是

沈

元

彬長子祕書省正字

宋

夏令吉

咸恭皇后曾祖吉水主簿

按令吉府縣前志未載茲據朝野雜記補

元

夏德延

貞元間任進賢主簿

按德延府縣前志未載茲據進賢志補

張

巖

號千崖臨江教授

按虞伯生集有張巖書院記其子孫後家萬載

彭壽伯 高郵學諭

按草廬集有送高郵諭彭壽伯歸宜春詩詳藝文

趙榮 字榮甫以吏學仕至奉訓大夫本路判官

袁仲高 由儒士仕至大理寺左寺正

按榮府志載分宜人仲高失載茲據嘉定志改補

明

任和 成化十一年任湯溪縣丞

按和府縣前志未載茲據湯溪志補

袁才 善和鄉橫塘人泰州鹽運判詳傳

袁朝陽 善和鄉星塘源人兵部員外郎

王伸 南鄉縣丞

張仲仁 餘州知州

袁業顏 才子義烏知縣

袁繼績 橫塘人郴州吏目興寧縣丞

劉中暨 知事監修廬洲閣

劉以元 敘寧主簿漳州經歷

楊以清 上水關人鴻壘寺序班

易以寧 台州府通判

楊以訓 上水關人尚義祖瓊山縣丞陞雲南按知事

劉訓 廣東新州人廉明有政聲

徐學易 金堂主簿有孝行聞上蔡廩

張鴻業 大名府照磨

潘士閻 懋勳子易州判

楊繼美 椽考崇正五年授松江蒲東場鹽大使

劉芳聲 崇正七年禮部儒士工大字

劉啟秋 詳傳

方惟信 修仁鄉人詳傳

李 棐 字允衡素勇南漳典史

按西城三官殿崇正十三年碑後載郡人管工經歷劉宏任吏目周天驥典史李棐攷府志俱未載

前志亦止載李棐餘二人附此俟攷

皇清

張 洪 邑庠生邵陽縣丞

孫玉煊 下水關人椽考點江典史

劉仕彬 保定府經歷

劉德貴 西村人蕭山縣知縣

郭祖超 例貢生雙縣主簿未任

袁起淑 橫塘人歷直隸通州張家灣河南信陽州明港驛巡檢

李文定 吏員考授未入流屢次催選不知所終

彭雲飛 忠良人福建福寧府司獄

胡映棠 修仁鄉下水汊人 浙江海寧州吏目

袁錫志 橫塘人芳松第三子 廣東海豐縣丞

龍 烘 石外鄉人歷廣東清遠河南遂平典史

劉遇榮 修仁鄉賈溪人浙江蕭山縣漁捕司巡檢

張見龍 集雲鄉人邑庠生考取恩監第二名四庫館議敘江蘇長洲寶山王簿南坡兵馬司史

目詳傳

彭廷珠 薦外鄉西村人三通館議敘廣東海陽安徽婺源縣丞陞歙州判未任

袁凝世 橫塘人芳松長子乾隆丙申特恩考職列三等方畧館議敘湖南桂陽州吏目

甘蘊純 歸化鄉彬江人福建甌寧縣丞

劉紹基 歸化鄉橫村人循川楚例捐縣丞分發安徽署潛山縣丞

黃榮都 化北鄉土嶺人江蘇青洲主簿

袁士齡 橫塘人起宗會孫川楚例捐從九品嘉慶七年廣東博羅會匪滋事報効襄辦軍裝等事

李廷試 西外鄉二畝官園里人川楚例捐縣丞分發浙江署建德縣丞

胡映蓮 修仁鄉水汊人映棠弟川楚例捐從九品分發山西署興村巡檢

謝廷鐸 薦外鄉人現任浙江嘉興府漢院照磨

聿蘊繁 彬江人現任廣東歸善縣內外管理巡檢

厲上選 信義鄉南岸人川楚例捐布政司照磨

袁士遴 橫塘人芳杏孫川楚例捐從九品

龍崇高 金瑞人川楚例捐從九品

晏壽楠 石外鄉人川楚例捐從九品

宜壽原志 卷三 選舉

張鳴霄 見龍第三子川楚例捐未入流

袁進賢 橫塘人芳杏曾孫川楚例捐從九品

袁錦標 善和鄉人川楚例捐從九品

蕭光照 字潤秀西隅人川楚例捐從九品

袁佳文 橫塘人芳杏曾孫川楚例捐從九品

施景桃 集雲鄉人川楚例捐從九品

謝文鰲 禮峯人川楚例捐從九品

黃顯誠 榮都姪川楚例捐從九品

劉佩鈺 橫村人川楚例捐從九品

鍾文煜 丁田人川楚例捐從九品

鍾德齡 化北鄉上林人川楚例捐雙月從九品

袁佳駒 錫志孫工賑例捐從九品

邵東山 邑庠生工賑例捐未入流

施倬雲 化北鄉施家坊人孫考未入流

按前志載有例捐職員監生數十人以已載未便刪去姑附此後嗣凶人界不載

明

袁克家 由增生

袁克顯 由附生

袁世琮 由附生

劉世芬 由廩生

潘懋試 由增生考州判

郭世顯 由廩生

鄒維憲

皇清

何 濬 由增生

何 淑 由附生

李士龍 由附生

黃士煥 由附生

張 英 由附生

陳憲道 由廩生

梁 揆 由附生

梁 輝 由附生

張 泳 縣丞職

張國標 潛子考  
授縣丞

張國權 潛子考  
授主簿

梁 宸

周宗周 縣丞職

錢功選 由廩生

彭澤潤

樂 遂

何希桓

袁 璉 州同職

陳兆龍

徐廷翰

晏 星

周家揆

李 海 縣丞職

易開亨

晏 晁

尹三聘

李道賢

易聯昇

傅廷謙

易尚仁

楊世龍

許祖臯

葉 峻

彭嗣時

劉振鍊

鍾國鐸

胡秉忠

孫景宸

袁克培 州同職



雜途武仕

附

按武仕自科目外有由兵丁行伍由武生隨營或由鄉勇軍功及從征議敘賞授官職者今則統列於此概以雜途名之

唐

盧絳

詳傳

按絳府縣前志列傳未詳選舉職官茲據南唐書十國春秋補列第其初仕以驍勇聞名授兵馬監押都虞侯等官皆係武秩因置此

皇清

羅鳴虎 新喻把總

張得龍 新喻把總

康國全 共之子本營左哨千總並見秩官

施士昌 集雲鄉人本營把總並見秩官

陳龍 本營右哨千總並見秩官

張天爵 新喻把總

施士超 士昌弟詳傳並見秩官

王百祥 歷任廣信守備

張標 善和鄉東嶺下人武生歷任陝西都司詳傳

楊文德 歷本營左哨千總並見秩官

康恒 共之孫武生歷本營左哨千總並見秩官

吳文鳳 分宜把總

徐顯宗 分宜把總

馬雄 歷本營左哨千總並見秩官

李朝選 歷本營右哨千總並見秩官

馬彪 本縣把總調萍鄉

潘朝選 萍鄉把總

周國梁 清江縣樟樹把總

劉定貴 分宜把總

潘景亮 臨江如委

張銓 任峽江把總

陳得陞 木邑太平關外委

吳文達 新喻把總

王凱 武生新喻把總嘉慶元年出師湖北病故照三等軍功賞卹

彭廷芳 武生以勦湖北房縣南漳諸軍功御賜銀牌袍褂遞補營千總加賞守備歷任九江臨江南昌星子上高千總把總外委署理南康都關

桂暹 九江千總

袁芳桂 善和鄉韓塘人臨江營外委

馬奎 萍鄉外委

胡得元 現任萍鄉把總

胡金豹 以本營外委出師湖北補寧都把總打仗則陽陣亡賞襲雲騎尉畢世襲恩騎尉祀昭忠祠

陳廷珂 以湖北勦匪補廣信外委打仗鄖陽陣亡賞襲雲騎尉畢世襲恩騎尉祀昭忠祠

馬元 以湖北勦匪功遞陞南安守備病故照例以三等軍功賞卹

易枝棠 石外鄉澤溪頭人武生以湖北勦匪功補額標後營千總現降任把總

劉盛選 樟樹把總

劉盛榮 現任本縣把總

沈悅貴 本縣太平關外委

項春元 現任撫標右營額外外委

易亮 枝棠子現任雲都把總

袁亮 芳桂子 現任 梅樹把總

鍾發貴 現任 峽江把總

康宣 現任 萍鄉 瀘谿外委

康騰祥 現任 新淦外委

馬寬仁 現任 本城 額外外委

劉榮鳳 原任 臨江千總 現任 分宜把總

張鈇 遷 喬鄆人 新昌千總 推陞 守備

楊紹琦 贛州後營把總

封贈 附

按禮生日封死日贈唐張暉孫嘉之生有封宋元撫蕭灌死有贈至明始有追封祖父母父母之制五品以上稱大夫稱誥六品以下稱郎稱勅惟 國朝每遇 覃恩于正典外准以本身 賙贈推至三四世及伯叔父兄不等教授原列從九品學正教諭訓導皆列未入流迄雍正乙卯升教授為正七品學正教諭為正八品訓導為從八品皆有封典

明

劉愚魯 以子 獨贈 常州通判

楊東昇 以子樞機贈儒林郎

蘇體用 以子貴彰贈通政司經歷

蘇璉 以子貴贈南京錦衣衛經歷載前志

按查各途仕籍未有貴名明有誤姑依前志存之

彭德明 以子述贈棠縣知縣

龍清 以孫暹贈太常寺卿

龍瑛 以子暹贈太常寺卿

袁元亨 名昱以字行才優德懋精陰陽理數尤工詩以子魯訓封知縣晉贈北京行人司正加二

紉授奉直大夫

高原亨 以孫琬贈右副都御史

高仕忠 原連江丞以子琬累贈右副都御史

郭子高 以孫紳贈陝西行太僕寺卿

郭和 以子紳累贈太僕寺卿

何泰 以子爾封舒城知縣

張偉 以子鳳贈知縣加贈知州

易大節 以子廣禮贈大興縣丞

郭鸞 以子進封南京刑部員外郎

按遺珍集云贈郎中

楊春靄 以子以清封鴻臚寺序班

易悌 以子可久封刑部郎中

楊春美 以子以誠封浙江道監察御史

劉德滋 以子應選贈南京詹事府主簿加贈長蘆運同

袁良玉 名珪以字行號靜齋邑廩生文品兼優廣行陰德以孫業泗贈廣東布政司左參政加鴻

臚寺卿

袁軾 邑廩生五子二登科第以子業桐累贈漳州知府廣東布政司左參政加鴻臚寺卿詳傳

袁都 邑庠生以孫繼威贈資政大夫詳傳

袁業汾 歲貢生以子繼威封資政大夫詳傳

袁業曾 邑庠生以孫一鳳贈浙江參政

袁業韶 邑庠生兩中副卷以孫一鰲贈知縣加贈知府詳傳

袁繼蔚 以子一鳳贈西安知府加贈湖廣布政司參政

袁喬登 邑庠生以子一鰲贈知縣加贈知府詳傳

黃勝蘭 以子朝選贈惠州河知

皇清

潘騫 以子于達贈蘇州通判

黃憲 以孫在中贈瑩山知縣

黃廷樞 以子在中贈文林郎

袁一忠 乾隆丙辰以孫振鐸贈修職郎詳傳

袁克仇 邑庠生以曾孫芳松贈鴻臚寺卿

袁克贊 雍正乙卯以子振鐸贈修職佐郎

袁克鑣 以子振基贈修職佐郎

選舉

袁振裕 邑增生舉飲賓以孫芳松累贈資政大夫詳傳

袁振翰 郡增生以孫芳杏贈文林郎

袁起濤 進士任知縣以子芳杏贈文林郎詳傳

袁起炳 舉人以子芳松累贈資政大夫詳傳

陳奕昌 庠生以子希龍贈修職佐郎

湯見龍 廩生以孫廷英贈濱州判

湯顯祖 以子廷英贈徵仕郎

張起鳳 以孫標贈陝西撫標右營都司

張藩 以子標贈明威將軍陝西都司

施天福 以子士超贈懷遠將軍廣東潮州遊擊

王漢章 以孫百祥贈忠顯校尉

王榮臣 以子百祥贈忠顯校尉

虞兆麟 以子用中贈奮力校尉

劉彰漢 以孫孔煌贈文林郎

劉之棧 歲貢生任訓導以子孔煌贈臨江教授

袁芳松 以太理寺卿加二級授資政大夫

袁振鈞 邑庠生以子起淑封登仕佐郎

袁振巽 以子起宇贈長寧訓導加高安教諭

甘濟元 以孫士毅贈文林郎

甘文炳 以子士毅贈文林郎

劉維良 贈文林郎 以孫師殷

劉之書 贈文林郎 以子師殷

彭澤潤 號安拙 增監生舉飲賓 贈文林郎 以孫維舉

彭孫駒 號集軒 以子維舉 贈文林郎

彭宏譽 邑廩生 以弟維舉 贈文林郎 詳傳

彭咸臨 以孫之材 贈徵仕郎

彭泗發 以子之材 贈徵仕郎

張紳 邑庠生 以子見 贈登仕郎

彭之樑 以子廷珠 贈修職郎

袁錫志 以前任澄江巡檢 援登仕佐郎

袁有本 以子芳桂 贈修武校尉

徐尙 邑庠生 以孫輔 贈文林郎

徐鈞 以子輔忠 贈文林郎 詳傳

劉啟璧 邑庠生 以孫潮 贈奉直大夫

劉燕祥 以子潮 封 奉直大夫

劉潮 以戶部候補主事山西司行 走加二級 授奉政大夫

彭維訂 以孫定麟 贈文林郎 加 級請封例 贈奉直大夫

彭如暉 以子定麟 封文林郎 加 級請封例 封奉直大夫

易于登 監生 以孫日廉 贈 文林郎 加儒林郎

易起文 以子日廉 贈文 林郎 加儒林郎 詳傳



謝步亭 以子廷鐸 贈登仕佐郎

楊堯琮 監生以子錫翰 贈修職佐郎

袁宏望 以孫光炳 贈武畧騎尉

袁兆壇 以子光炳 贈武畧騎尉

甘迪謙 以子蘊繁 贈登仕佐郎

黃柄 例貢生以子榮 贈登仕郎

胡家槐 以子署崇義教諭雲登前署寧 贈修職佐郎

彭定祥 以弟定麟 封文林郎

劉翼祥 以姪湖贈 奉政大夫

胡壽 州同職以子煥 封登仕郎

袁欽祿 以孫崧州同職加二級 封贈奉直大夫

袁治 邑庠生鄉飲賓以子崧加 封贈奉直大夫

謝慶貴 以孫向榮州同職加二 封贈奉直大夫

謝作梗 以子向榮加級請 封贈奉直大夫

劉孔薰 以孫鍾禮布政司經歷職請 封贈儒林郎

劉遇榮 原任漁浦司巡檢以子 鍾禮請 封贈儒林郎

劉圭選 以子鍾芹縣丞職 請 封修職郎

謝毓生 以孫大勇 贈 武畧各騎尉

謝鴻儒 以子大勇 贈 武畧佐騎尉

易國 以子自新州同職授例請封贈儒林郎

張恢度 以子餘奮武校尉贈

張聖言 以子鈔武畧騎尉贈

楊達安 以子紹琦封武信騎尉

鍾國鐸 由郡庠生入監生以孫州同職世懋請封贈儒林郎

鍾朝灝 監生以子州同職世懋請封贈儒林郎

廕襲

按自漢唐以來皆有廕襲廕者以父任顯秩各廕一子照品級分別授職襲則因其祖父有功或戰陣死難品第其輕重分別世襲明制三品以上有廕國朝每遇太典京內官限至四品外任三品至襲則不論官職大小如賜卹皆以武職

宋

易延慶 文贊子以父廕擢大理寺丞詳傳

明

龍瑄 襲父職居南京詳傳

按瑄府縣前志傳俱云世襲父職不詳其父何人且  
不詳襲何職因特標識於此子寬進士

龍 稷 暹之子廕入國子監

龍復初 暹之孫廕入國子監上林苑錄事

袁一藻 繼威之子邑廕生廕入國子監詳傳

皇清

陳 灃 之龍子選貢生廕侍衛詳傳

謝 璵 際雲子襲雲騎尉

謝鳳彰 璵子承襲雲騎尉現任蕪縣後營守備

陳家杰 廷珂子襲雲騎尉

胡戴恩 金豹子襲雲騎尉

陳世恩 家杰子襲雲騎尉




宜奉縣志卷二十一

名宦志 府官附

甘棠遺風黍苗陰雨有豈弟父母之稱者其德政仁聲  
 過化存神當時既歌頌其事後世亦思慕弗諼宜邑自  
 贊皇李公拔濯賢才人文振起昌黎韓公作新舊俗民  
 氣醇良嗣是官斯土者代有循吏政績所昭在人耳目  
 紀此以爲蒞民者勸志名宦

晉

郭察武昌人永嘉初爲安成太守五年夏五月杜弢自稱  
 平難將軍湘州刺史攻破郡縣刺史苟眺委城走州人



推察領州事因率衆討弢反爲所敗察死之載通鑑綱目

虞潭字思奧會稽餘姚人領廬陵太守轉南康進爵東鄉侯時湘川賊杜弢勢猖獗江州刺史衛展表潭并領安成太守以禦之載晉書

按府志名宦傳未列今補

宋

檀玠安成郡丞泰始元年冬十一月江州刺史晉安王子勛舉兵潯陽安成太守劉襲舉郡奉順江州長史鄧琬遣龍驤將軍廖炎率千人并發廬陵白丁攻襲襲與玠拒戰臨陣見殺載通鑑

按玠府志未詳今補

梁

傅昭字茂遠靈州人由左民尙書出爲信武將軍安成內史安成自宋來兵亂相接郡多鬼怪及昭爲郡郡人夜夢見兵馬鎧甲甚盛又聞有人云當避善人軍衆相與騰空而逝自後郡舍遂安咸謂昭正直所致郡溪無魚或有暑月薦昭魚者昭不納魚餒於門側載梁書

唐

應智瑱筠州建城人武德中袁州刺史時更隋室大亂之

後智頊與民休息鎮以清靜民安樂之載嘉靖志

按建成成一作城漢屬豫章郡卽高安地萬載分自高安宋亦復名建城第武德時未立筠州茲書筠州建城始從後書智頊之智一作知豫章古今記爲萬載鳳嶺人事實尙多詳集畧

房瑄字次律河南人天寶間爲宜春太守立學宮建文廟  
創州治遷憲部侍郎同中書門下平章事載明一統志  
崇祀府學名宦祠

按嘉靖志載瑄修廣濟橋更名濟川作亭於州之南榜曰需宴公暇與民同樂柳宗元書李華所撰德銘碑陰有曰縣懷其化州涵其澤凡我子孫罔不戴慕蓋紀實云

閻瑜廣德間袁州刺史兵後專務德化招集流亡州境大理及改撫州百姓蟻隨吏不能止後拜戶部侍郎載明一統志

按府志採唐史載李揆字端卿隴西人相肅宗以陰伺故相呂諲奏貶袁州長史後試祕書監養疾江淮者十六年元載盧杞惡之拜尙書左僕射使吐番還至鳳州卒贈司空諡曰恭李景畧良鄉人初從李懷光幕府勤王屯咸陽懷光反將襲東渭橋景畧痛哭諫不聽遂去

靈武節度使杜希表薦遷侍御史尋忘之奏貶袁州司馬二公風槩誠可想見然郡邑名宦必有功德於茲土乃于義法爲合揆景畧政績無可稽而名列史傳且揆崇祀府學名宦祠故附列事實於此

蕭定字梅臣僕射瑀曾孫爲元載所惡外遷袁州刺史大歷初治信州奏最爲天下第一勸桑稼均賦役集徠游後在袁州政績懋著亦如之內遷戶部侍郎官至太子太保參明一統志

柳渾字夷曠本名載梁僕射揆六世孫後籍襄州天寶初擢進士第大歷初爲江西團練副使俄爲袁州刺史酌免備錄之政推之天下著爲令載唐書專祀昌黎書院并祀府學名宦祠

韋建太和五年知袁州在任築開羅城二百餘間濬濠二百丈清淨爲政無所侵撓郡中大治載通志

按南唐又有一韋建亦列傳

李德裕字文饒太和八年爲中書侍郎坐論李訓鄭注爲李宗閔所譖貶袁州長史既至寓郊外精舍卽今化成巖每杖策獨游吟咏自適九年六月宗閔貶十一月注訓等敗帝悟乃以爲太子賓客分司東都累官門下侍郎同平章事封衛國公德裕在袁時禮遇盧肇後入相

肇遂魁天下宋紹興間郡守邵知柔刻德裕集於郡齋  
載府志專祀化成巖并祀府學名宦祠

鄧璠高安人中和間自江西節度使權知袁州在任興學  
化民有古循吏風詔令再任僖宗時所在兵起吏無能  
名獨璠有政聲載瑞州志

揭鎮乾寧二年以討上官逢功授銀青光祿大夫檢校工  
部尙書兼御史大夫上柱國持節袁州諸軍事守袁州  
刺史惠鮮罷瘵勸課農桑財用饒富增築羅城浚洳濠  
塹歛不及於民載通志嘉靖志

杜瑄天復元年以司空爲袁州刺史當喪亂時阜財恤民  
捐私帑代輸民賦人皆感之載通志

楊吳

王安廬江人順義二年累遷至袁州軍州副使除知軍州  
事以沉默寬綏爲治州民便之修治城濠民忘其勞秩  
滿歸朝李昇受禪遷虔州節度使載嘉靖志

按前志列時吳降楚之呂師周於名宦且無功德於民  
於史裁爲不合今削之

南唐

張承傑初詔監臨袁州闕州治昇元四年詔權申報袁州  
軍又奏移州縣復故基重立甲仗構庫是年詔歸保太



八年再除知袁州專以慈仁訪求民瘼課效爲最載安志

劉仁贍字守惠彭城人事烈祖爲左監門衛將軍自黃州遷袁州刺史仁贍通書精吏事規畫有方一新州怡保太二年詔升都團練觀察處置等使正威將軍食邑五百戶以示褒表後守壽州死淮北之難贈王爵諡忠肅載南唐書崇祀府學名宦祠

邊鎬保太中以定楚功除袁州刺史增修城堞州北廣濟橋唐中和年權刺史鄧璠所建水衝毀鎬聯舟十二爲梁名曰永濟宜春有浮橋自此始載通志

按陸游南唐書鎬保太初年拜信州刺史八年馬希萼入潭州命鎬以州兵如界上覘楚九年鎬出宜春遂討長沙破其軍攷十國春秋鎬昇州人初生時父夢宋永嘉守謝靈運來謁願託爲父子已而貌類夢中因小字曰康樂保太七年楚馬氏兄弟相攻以鎬爲信州刺史領屯營兵兼湖南安撫使駐袁州萍鄉有警許便宜從事楚人果復廢立鎬自萍鄉帥師入潭州遷馬氏之族楚人大悅是討馬在七年非九年且由信州刺史立功後改袁州亦未可知

韋建少居吳武王軍中以膂力聞累遷諸軍都虞侯爲左

衛史出為袁州刺史建不知書而性渾厚清靜自處無所侵撓郡中大治數年入為統軍百姓思之載南唐書李徵古萬載人為尚書吏部郎中保太十年除州刺史自唐末五季之亂宜春更刺史凡二十有九皆武夫勲臣徵古以儒術緣飾吏事百姓安之修文宣王廟崇重儒士雖四方雲擾絙誦獨不衰載嘉靖志

按徵古南唐書作宜春人誤

史公銖保太中以太保自池州團練使除袁州刺史政事練習吏不能欺文武兼資民慶安堵載通志

呂延真以司徒自吉州兵馬都監移知袁州臨事敬慎修

城濟潦有不便於民者革不踰時在郡歲屢豐五年告

歸載嘉靖志

劉茂忠明一統志作中安福人故名徹或謂劉徹乃漢武帝也非

人臣所得名遂改焉嗣主時授袁州萍鄉制置使既至

輯士庶明法令步騎械具皆整鍊萍鄉與湖南接境茂

忠嘗獵境上潭人來抗茂忠怒縱兵深入而還潭帥謀

冬至日茂忠燕將吏必不設備遂帥眾來寇候騎告急

衆色沮茂忠恬然命間道設伏焚絕橋梁亭午大破之

潭師殲焉以功遷袁州刺史宋平江南吉州刺史申屠

令堅結茂忠拒守屬令堅死茂忠遂釋甲來降入朝所

籍惟州庫公物其餘軍旅科配之贖悉命焚之載嘉靖志參南唐春秋

按十國春秋南唐時州有指揮使制置使又有羅城使此云萍鄉制置使疑分駐

宋

程元白中山博野人太平興國初明經中第爲宜春令居官有惠愛不求名譽後以子琳貴累贈太師中書令載通志

王懿字文德旦伯兄至道三年以祕書丞知袁州時州多火焚䟽唐李渠以備之民歌之曰李渠塞王君開四城惠利絕火災未幾名還載明一統志

楊侃錢塘人避真廟諱改名大雅由大常博士直集賢院知袁州修宣聖廟建講堂又建州治小廳皆自爲記侃好古博學守道不阿直集賢院二十五年不遷終右諫議大夫集賢院學士載嘉靖志

何蒙字叔昭洪州人祥符元年由大府少卿知州事州民多采金蒙建議請以金代稅不許載宋史

程師孟字公闢江西轉運使盜發袁州州吏爲耳目久不獲師孟械吏數輩送獄盜卽成擒爲政簡而嚴罪非死者不以屬吏發隱摘伏如神得豪惡不逞者必痛懲艾

之至勲絕乃已載宋史

按轉運使統轄州郡例不入府秩官以其事關袁州故列之名宦

袁延慶天禧初通判袁州有能名刺史李龜從異待之州務多委決復舊渠以避火災立疏泉亭刻石記其事載通志

李說字誠之故叅政文肅公邴之孫守袁州燭事無遁情而行之以恕正俸外例所當得者皆不受搏節淨費得粟二十萬別廩貯之以待荒歉名州濟倉載通志

祖無擇字擇之上蔡人進士高第歷知南康軍海州提點入直集賢院出知袁州自慶歷詔天下立學十年間徒文具無命教之實無擇首建學宮置生徒郡國綰誦之風由此始盛載宋史崇祀府學名宦祠

按前志載無擇爲韓文公廟碑在唐史未修之前革正舊史辭簡事備新史多取信焉以忤王安石謫節度副使累官集賢院學士

李禹卿字君益由蘓州通判移知袁州會知州翁及死哀其貧適吳人歸職田錢二十萬立分其半遺及家僚屬亦合錢二十萬以贖遷知澤隨二州旣去民思慕之官至司農少卿載通志

張補之治平間知宜春縣政尙仁愛民懷其德邑人朱景陽作詩榜於道頌之載明一統志

徐師閔字聖徒蘓州人熙寧間以司農少卿出知袁州時江西劇賊詹遇所過屠劫袁獨有備賊不敢犯且有瑞粟嘉禾之異百姓歌之轉運蔣之奇薦於朝官至中散大夫載豫章書崇祀府學名宦祠

廖子孟字獻卿元豐三年以屯田郎中知袁州時太平日久慮民狃於安樂乃卽黃圃創巡檢司養兵以禦盜仍奏置巡檢一員載通志

鄭民瞻字叔巖紹聖初知袁州發姦摘伏如神值連歲荒歉乃量民戶口多寡及富民積穀幾何均數約直以給告糴者合四境爲一圖置座隅遣人按視民賴無流亡之患載明一統志

王古字敏仲自貳卿出守會稽成都紹興四年謫守袁州天性仁慈政舉綱領郡官民便之載府志

李冲元字元中廬州舒城人紹聖中爲袁州司理到官獄訟衰息日以賦詠自娛嘗撰鞠城等銘刻石以傳嗜浮屠學蘓軾黃廷堅過郡畱與論禪踰月然後去乃作難禪閣銘載嘉靖志

辛炳字如晦福州侯官人宣和初由殿中侍御史知袁州

與學愛民累官除顯謨閣直學士知漳州未赴而卒炳  
操行清修歿後貧無以葬詔賜金帛購其家贈通議大  
夫載宋史

按前志載炳好延儒士本邑鍾碩同猶子琬登進士炳  
喜甚爲建坊於其居曰化成

楊扶新淦人性方介不苟合判袁州以爭訟事忤郡將拂  
衣去官不復起自號竹溪居士採通志補

孫琪宣和六年通判袁州到官未幾民三罹火琪見袁延  
度疏泉亭記欲濬舊渠爲火備以告州守林徽之守懼  
勞民琪曰天下事不少勞何以久逸不暫擾何以長治

今民困於火可坐視而不知備耶守服其言遂治西陂  
濬舊渠如故琪自爲記載嘉靖志

阮閱字閱休建炎元年知袁州初至訟牒煩瀆閱大書依  
本分三字印榜四城郡民化之乃榜西廳爲無訟堂後  
致仕寓居宜春載通志

汪希且字周佐建炎初知袁州築城濬濠修備戰具又建  
西門內城民賴以安載通志

王仲蕤字豐甫建炎間知袁州時流賊逼城仲蕤率兵堅  
守親撫士卒踰月不困賊知其不可下遁去載通志

陳焯字元光紹興九年知袁州慕韓文公爲人初廳事西

有堂名燕衍一日顧左右曰二千石當勤於治理詎可  
以飲食爲樂乎乃更以景韓名之刻昌黎內外集於郡  
庠從教官劉瑜請修州學士服其教載明一統志

張綱字仲舉嚴州人少游太學長於書人目爲小張綱紹  
興七年爲州學教授太守江公亮同里人也以鄉先生  
呼之州學故有稽古閣講堂皆朽壞綱撤而新之載府  
志

沈昭遠字傳曜紹興中由戶部侍郎出知袁州舊試貢士  
皆寄僧舍昭遠始創貢院民輸義倉米倉吏違法倍歛  
力爲減其半四邑以羨餘米上昭遠曰此非天降地出  
無非虐取於民盡郤之民皆感悅載明一統志

按府學名宦祠祀宋陳瓘鄒浩及府志列知州事黃中  
於名宦傳中茲查鄒黃別書傳有事實而是處政績無  
可稽惟陳瓘各職官皆無其人攷宋史載有竄袁州事  
後贈諫議大夫并未仕袁或因其賢而祀之耶

王大寶字元龜知袁州會宗正丞沈清臣以詆和議貶沅  
道經袁大寶以同年生留之數日僚吏懼忤時宰白大  
寶不爲動嘗進易詩書三經解高宗語執政曰大寶留  
意經術其書可采除崇政殿說書載宋史

許叔達字商叟奉新人紹興進士由寧鄉縣調知宜春生

平以清苦自持張南軒栻稱之曰持身冰玉每飯不足高卧讀書淡然自若採南昌志補

曾伋字彥思紹興末年知袁州悉心愛民隆興初有旨江西和糴百萬轉輸丹陽伋奏不可朝廷從之袁得免和糴伋之力也載明一統志

黃霽字彪甫臨川人以叔父敖奏任明州比較務歷知袁州蘆蕭洞盜標掠霽命賊曹往諭因籍爲兵尤慎於用刑每決罰稍過則蹙額曰吾德不足以化人故至是改知吉州二州斷辟囚纔二人自號靜樂居士載人物志胡安老建安人紹興三十年宰宜春政先撫字不爲鉤距

民安樂之爲立祠載通志

張栻字敬夫丞相浚子孝宗時知撫州復知袁州暇日召諸生告語民以事至庭隨事開曉具爲告條斥異端毀淫祠而崇社稷山川古聖賢之祀官終右文殿修撰載宋史

張杓字定叟栻弟知袁州方年少已有能稱尤崇尚儒雅修郡學明倫堂稽古閣兄栻爲之記又創周程二先生祠朱子有記官至兵部尙書端明殿學士載宋史及通志崇祀府學名宦祠

按祀名宦祠者宜列傳杓已祀名宦府志職官云有傳



定本縣志 卷三  
及查名宦傳附張栻茲據宋史通志叅補

柯春卿三山人淳熙間宰宜春吏事精明剖決不倦太守  
張杓雅器重之遷邑庠於秀江北後倅大府亦著能聲  
載通志

趙師慮字學古朱子門人紹興間知宜春縣事勤撫字慎  
催科恤貧病輟俸爲賓客之資卒於官貧無以斂載明  
一統志

石範字宗卿浦江人紹熙元年進士通判袁州峒寇陸梁  
衡潭贛吉被禍尤酷範攝郡事練勁旅閱民兵廣儲蓄  
博訪守禦之策爭効所長威聲甚震盜無敢向者據袁

絜齋集補

曹訓字子序自贛移知袁州奉法鋤奸廉得萬載有豪民  
武斷者盡繩以法總倉二司委郡和糴訓曰袁免和糴  
舊矣不可一旦開病民之端祈懇切至竟得免載通志  
徐傅字宗說倅大府以稱職聞知袁州慈祥廉介不妄費  
公帑漕臺下令和糴傅募曾曹二守免糴記具請漕不  
復強載通志

徐倫字彞仲豐城人璿之族弟慶元進士爲袁州推官待  
次七年安貧篤學唐宋諸詩手鈔神契既至官牋筆軍  
賦民詞皆以身任當道交薦右史張嗣古尤亟稱嘗遭

父喪哀毀卒有詩藁若干卷採人物志補

李時中字守正由軍器監丞知袁州惻愍無華慈祥廉介秩滿除廣東提舉去之日書所得俸白之仰山神曰此外無一毫他取神其鑒之其刻厲如此載通志

羅克開字達甫由大理正知郴州再授袁州所居鄉與宜春接境故吏名美惡風俗利病皆知之戢吏愛民庭無留訟民稱其神明樽節郡計帑有餘蓄捐數萬緡爲下戶代輸夏稅一年又以公帑買田歲收租儲以助待補大學生路費修城浚濠百廢具舉時峒寇李元勵猖獗羽書交馳克開談笑應辦不以擾屬邑人至今思之載

嘉靖志

張洽字元德清江人從朱子學嘉定元年登第授松滋尉陞袁州司理叅軍有盜黠甚辭不能折會有兄弟爭財者洽諭之曰訟於官祇爲胥吏之地且冒法以求勝孰與各守分以全手足之愛乎訟者感悟盜聞之自伏民有殺人賄其子焚之居數年事敗洽治其獄無狀俄夢有人拜於庭示以傷痕在脅翌日委官上其事果然端平初除直祕閣主管建康崇禧觀以疾致仕載臨江志李觀字東之以太常博士知袁州剖決明敏賦性廉介不可干以私後除本路提舉茶鹽載通志

鄭自誠字性之嘉定戊辰廷試第一爲著作佐郎出守袁州政先撫字飾以儒雅時詣學宮創藥局以濟病者去之日攀轅者塞途載明一統志

滕強恕字仁伯嘉定間由宗正少卿出守袁州以節用愛人爲本立橋梁置儲倉修郡志惠政頗多秩滿除江西漕運載明一統志

汪應辰字聖錫信州玉山人紹興五年進士第一人年甫十八初名洋特改賜今名上欲卽除館職趙鼎言且令歷外任養成其材乃授鎮東軍簽判召爲祕書省正字以論和議不合忤秦檜通判建州請祠歸尋通判袁州凡所予奪人無異詞鼎死吉陽軍詔許歸葬過袁應辰爲文祭之檜死入爲侍從稍遷至吏部尙書嘗舉朱子自代載宋史

按宋史應辰祭趙忠簡公鼎文維公兩登上宰皆值艱危之時一斥南荒遂爲生死之別莫非命也豈有他哉事既定於蓋棺恩特榮於歸骨僅脫鯨波之險獲至於斯孰爲馬鬣之封未知所向昔任昉無漬酒之彥劉峻廣絕交之書吁嗟此風何獨今日念嘗游於幕府忍自比於路人莫以告哀言不盡意衢州志載汪爲常山人由玉山分置并云汪作此文幾致不測後以求文不獲

胡寅遺檜乃止

王棟字子東文正公淮之子由司農少卿出守袁州政尙簡靜而馭吏以嚴人不敢玩改築貢闈賴其經始焉秩滿改知泉州載嘉靖志

朱貔孫字興甫浮梁人以文華閣學士知袁州至則宣上德意戢暴禁貪興學勸士倉收民賦者恒收斛面畸餘貔孫令民得自槩量弊遂革陞敷文閣學士福建安撫使卒於袁載嘉靖志

趙鉞夫字仲禮觀文殿學士彥逾仲子以朝議大夫守袁州待士撫民治軍戢吏一出於誠懇餉司得免和糴以公帑之餘爲下戶代輸創御書閣貢闈仰山臺城郭樓櫓俱新之理宗嘗問廉吏真德秀以鉞夫對除直祕閣爲湖南憲使載明一統志

潘傅字才甫四明人寶慶元年通判袁州下車攝郡事聽斷精明庭無留訟尤加意士類躬蒞泮宮講學又置田贍士政聲赫著七閱月新守視事協贊尤多人謂倅貳之賢前此無出其右者載嘉靖志

曹叔遠字器遠溫州瑞安人從止齋陳傅良講學以經世爲務寶慶二年以工部郎中知袁州事減秋苗斛面米七千四百餘斛浚李渠復龜目二井修泮宮行鄉飲酒

禮每月兩詣學宮講論發明經史大旨又刊止齋周禮說春秋後傳左氏章旨開基事要四書併發所藏書籍數十帙以惠學校他如懲器訟戢盜賊蠲關市苛細之征美不勝書又助建御書閣爲下戶代輸修舊起廢山川城郭率皆改觀會旨命赴行在邦人咸惜其去云入爲太常少卿終徽猷閣待制諡文肅載嘉靖志

葉夢鼎字鎮之寧海人以太學上舍試入優等授信州軍事推官攝教事講荒政遷太學錄淳祐中知袁州轉運司和糴米三萬斛夢鼎言袁山多而田少朝廷免和糴已百年自今開之百姓有無窮之怨從之民湯頌獻田學官妻子離散夢鼎還之毀萬載旗箔村淫祠塞其妖井丁本生母憂免喪以直祕閣江西提舉常平兼知吉州節制悍將置社倉義倉平反李義山受賊之寃以國子司業召尋復以集英殿修撰差知贛州載宋史

趙逢龍字應甫鄞縣進士知袁州日具疏飯事至立決撫諭惻怛一本之天理民瘼民不忍欺尤究心荒政斥羨餘爲平糶本除將作監擢宗正少卿載浙江通志

按前志載衛湜好古博學嘗集禮記諸家傳註爲書一百六十卷名曰集說上之官徐霖知袁州踰年以父喪去哀毀號絕并列名宦然政績無可稽故附見於此

徐瑑字文之嚴陵人紹定三年通判袁州歲大歉穀價日騰瑑倡議發廩官司巨室分日平糶尋署本州事益率孳荒政獎義糶罰閉糶傾州倉儲以濟又力請通融米禁全活饑民甚衆病死者官給藥樽收養嬰兒踰百數民深德之版曹以宜春產絹委市絹二萬瑑力爭獲免甫一考擢守建昌邦人咸惜其去云載嘉靖志

黃當分寧人朱子門人以進士知台州先勸後禁事簡刑清移知袁州政稱治平載嘉靖志

程公許字季與一字希頴叙州宣化人嘉定進士淳祐間知袁州請蠲和糶之半改命郡吏部總所綱運而厚其資免募貧民甚便之新濂溪祠南軒書院聘宿儒胡安之爲諸生講說杜範薦於朝召拜宗正少卿載宋史方岳字巨山祁門人景定間知袁州新橋梁及城門後邕廣連兵出湖湘傍江西而北袁州城可恃者岳之力也載通志

羅開禮字正甫永豐人袁州教授江上兵起文丞相辟知永豐倡義以仗大節連兵鄒鳳駐師永豐深溝固壘蓄養銳士攻吉安南贛南雄太捷響應垂下臨洪忽吉贛軍潰元李恒兵又自隆興來乘勝追及空坑丞相幸脫恒大索開禮開禮隱巖中執囚吉安不屈八日不食而

死丞相爲制服慟哭祭之載嘉靖志

元

滅里千女直人高闡兒子襲父職領兵鎮廣東元貞元年移戍袁州盜陀頭以衆犯境悉勦除之尋南恩盜起復領兵平之還歿於袁州贈懷遠大將軍載元史高闡兒傳

按滅里千未任袁官以死難袁州列之

嚴仲毅字伯威袁州路經歷修夫子廟興舉學校勅尊經閣并南軒書院藏書閣載通志

鄭時中字以道滎澤人任袁州推官司讞詳明獄無留滯以廉幹聞載嘉靖志

別速堅袁州路達魯花赤至正壬辰九月歐普祥兵圍城

城中固守明年十一月食盡城陷速堅與同知孫思一作

嗣遠被執不屈皆遇害知事程鵬翼自焚死同時宜春簿周子忠被執亦死焉載通志

按府學名宦祠祀元同知孫思遠職官載有傳及查名宦傳附別速堅內第同時死節四人名宦祠獨祀思遠且不另爲列傳未免踈失攷嘉定志經歷孔智亦死難周聞孫字以立吉水人以鄉貢教授袁州沔寇至聞孫倡舉義兵爲郡捍禦城遂以完著河圖洛書序說書經一

覽五經纂要學詩舟楫等行於世載人物志

明

朱守仁徐州人吳二年守郡時府路新附兵革初平守仁  
葺郡治撫殘創廉幹自喜撫御有方以治行聞召拜太  
僕寺卿時同知孫養浩通判蔡廷秀皆同寅協恭政有  
成績養浩徵赴部廷秀陞臨江知府載嘉靖志崇祀府  
學名宦祠

劉伯起洪武初知袁州興學校戢吏胥有清介聲當干戈  
瘡痍之後勞來安集俾袁民安堵伯起之功也以召去  
載府志

石原字守正鳳陽定遠人明初從軍渡江十七年以征雲  
南功陞袁州衛指揮僉事前後征廣東俘馘甚衆以疾  
卒子玉襲陞指揮使玉子偉通大義存恤士卒境內鎮  
靜尤樂事詩書以文濟武名所居堂曰思勲載嘉靖志  
邵昱合肥人父富明初從渡口以勲累進京衛指揮既老  
昱代之授袁州衛中所千戶嘗領軍從征湖南及兩廣  
蠻洞有功一日太祖念富父子忠勲召至京特陞袁州  
衛指揮使俾掌印富遜石原子玉上嘉之遂世襲指揮  
同知載前志

仲時舉洪武間宜春知縣開建縣治設施有方兵革之後



招撫流亡百姓安之載嘉靖志

楊任嘉興人性至孝嗜學洪武間由人才擢知袁州黃子澄一見以國士許之政多宜民北師起引疾歸壬午事定子澄出徵兵往約蘓守姚善至任象與任謀求舊君圖大舉事泄任與子澄俱被擒至京磔於市載府志

國朝 賜諡忠烈

周鐸鄆城人永樂中知袁州剛毅廉正興學校革奸弊郡人悅服後卒於官載明一統志

蔡胄四明人進士永樂間知宜春縣事治公威刑政先德意民服共化後以憂去載前志

陳定浙江新昌人授府訓導恭勤舉職出其門者皆名士輯府志屢爲考試官遷分宜教諭載嘉靖志

按新昌志定泰昌元年舉人授袁州訓導遷分宜教諭教士有修行修袁郡志有體裁子邦祿邦直邦弼并舉科甲人以為修行之報府志作山陰人誤

徐澤常熟人宜春教諭能文章多士景服著有守禦安邊策頗濟時事載嘉靖志

林正字祐甫莆田人宜春教諭篤於教學常出已俸助膏火卒於官載嘉靖志

何澄江陰人進士宣德間知袁州和易近民時郡學火澄

力議捐建殿廡堂齋煥然改觀尤工詩善畫載府志  
江慶開化人宣德七年任宜春縣職勤於民事修廢舉墜  
日昃不遑以課最陞知州載前志

姚文字敏學嘉興人正統間知袁州廉正有威吏不敢欺  
興利除害民皆稱便卒於官囊橐蕭然載明一統志

王矩平陽人景泰初知袁州知太體政簡刑清以憂去民  
久而思之載嘉靖志

劉懋永平舉人由南京刑部員外郎陞袁州知府清通敬  
慎蒞事勤能重刻李泰伯學記立石郡庠門外鼓勵諸  
生力行實用之學秀江橋圯捐貲甃石以圖永久其上

架屋連楹士民德之載通志

莫昂字伯禹吳江舉人成化元年授本府同知文學優長  
講學授徒多所成就以病歸行橐蕭然載嘉靖志

常顯榆社人成化間以給事中任袁州知府有風幹修學  
迪士政聲炳然官至河南左布政使載嘉靖志

郭維臨海人進士宏治間知宜春縣廉明有威廢墜多舉  
吏不敢欺擢南京監察御史累官布政司叅政載嘉靖

志

王俊字世英閩縣人由戶部員外郎陞袁州知府風采嚴  
整政令明肅務持大體不忽輕細凡豪家武斷者雖有

倚恃一繩以法吏民畏憚修學宮建大成殿新明倫堂  
課授生徒時臨稽閱一時士風翕然振起九載治平陞  
廣東叅政載通志崇祀府學名宦祠

童祝字勉和蘭谿人以給事中言事左遷起爲青州知府  
改袁州寬簡不擾卒於官載嘉靖志

姚汀慈谿人進士正德四年由文選郎中任袁州知府明  
敏有治才尤優於文學以事忤中官謫福建運司同知  
載嘉靖志

向欽慈谿人宜春訓導端謹善誘郡邑子弟皆來學貧者  
量資給之所著有舉業權輿東西銘註感興詩釋陞新  
淦教諭致仕載嘉靖志崇祀府學名宦祠

徐璉武邑人宏治進士由戶部郎中出爲袁州知府宸濠  
變起璉起兵會王守仁於樟樹鎮同臨江知府戴德孺  
贛州知府刑珣等各將精兵破宸濠於黃家渡獲首功  
事定遷江西右叅政世宗錄功增秩二等載通志

羅輅字質甫江寧人正德進士授中書舍人疏乞就養服  
闋擢袁州知府器宇疏豁有風幹均差役繕城隍考正  
文廟雅樂親課生徒葺糧長影射之弊王守仁薦其才  
改贛州復改南昌累官大理寺少卿載嘉靖志及南昌  
志

史立模餘姚人進士由給事中謫通判陞本府同知政尙  
威嚴釐正夙弊以法繩豪武不得逞歲蝗捕之以米斛  
易蝗一斗蝗遂盡遞馬差因設四季馬甲法以節逸勞  
著為令所至登眺賦詩陞惠州知府載通志

林富字守仁莆田人初授太理評事以事忤逆劉瑾謫潮  
陽丞尋勒致仕瑾誅起袁州丞在任操如介石民安事  
輯所至有冰蘖聲歷陞兩廣都御史兵部侍郎載府志  
梁奎順德舉人正德五年通判袁州值桃源賊起率兵討  
之死於敵載通志

張參平湖舉人嘉靖間任宜春知縣敏辨有吏才民苦糧

長徵收參設局縣門立十限法民便之歲饑設法賑濟  
陞工部主事載通志

按平湖志參本姓姚正德庚午舉人由上饒教諭擢宜  
春知縣賑饑興利搏擊權橫省茶貢費十之九民若更  
生宸濠之變為王守仁應援斥諸顧望者濠卒就擒後  
陞工部郎中府志作華亭人誤

王卿臨縣人嘉靖間任袁州知府質實有器度禁隸役勾  
攝民有訟願自平者聽尤畱心學校別勤惰時廩餼士  
習一變轉浙江按察司副使陞叅政載通志

范欽字堯卿鄞縣人嘉靖十九年任袁州知府性蹈厲有

西門豹之風詰奸究蠹羣盜屏跡民無冤濫且念袁民貧賦重力請於上得少蠲減歷任虔南副都御史載通志

凌汝志太倉人嘉靖間宜春知縣廉明多惠政二十二年饑捐俸賑之二十四年旱虔禱名山雨立沛遷給事中歷官順天府丞載府志崇祀府縣學名宦祠

趙恒字志貞晉江進士嘉靖中袁州教授博學尤邃於春秋古誼自持卻贊貸貧與諸生日勤講課為士所推重著有春秋錄疑等書行世歷南京戶部郎中轉姚安知府告養歸載府志

徐斌字世寅號鳳竹常熟人嘉靖進士宜春知縣為政寬恕滌除煩苛建藏書閣新啓聖祠清學基校士拔其雋者館昌黎書院三年擢御史載通志

按斌後巡撫江西

徐櫬淮安舉人嘉靖間袁州教授溫文端雅正已率士絕口不言贊幣至關行已彙常事毫不以徇載府志

鄭宣化南直隸人進士嘉靖間任袁州推官潔己愛民孤介不阿獄有枉濫輒為平反尤加意激揚墨吏屏息載府志

袁襲裳字子宜睢州進士嘉靖三十二年任袁州知府樸

質清修禮士愛民藹然冬日分宜巖嵩方當國不肯阿附蒼頭有犯者必繩以法慟念城內火災頻仍并爲風水計於宜春臺上仰山廟前鑄銅鼎上篆坎卦名水星鼎自是災息袁郡利賴不淺陞江西副使載通志及明集

張任字希尹嘉定縣人嘉靖三十五年任袁州知府正直端重潔己愛民分宜柄國絕無倚附其親屬暨臧獲舉斂戢罔敢有越志尤廣厲學校士民畏服歷任兩廣都御史載府志

李元瑄初以貢士授袁州訓導循例承府命往省祝寧府壽禮畢登舟而宸濠叛勒各教官傳檄瑄不屈裂冠袍欲投江以救免後應王守仁成討賊功載福建通志

李德甫字仲修太倉州人嘉靖三十七年任袁州知府嚴明剛斷念袁土瘠民貧科徵偏重力爲申請每石得減派刻碑儀門杜後橫征至今袁猶賴之載府志

劉廷舉號巨塘麻城人初令宜春以不附權貴調隆慶元年任袁州知府威惠並著屬吏不飾簞簋者不稍假貸郡大饑發廩勸富民貸且爲施粥民賴以存活者甚衆頒刻小學朔望講說不輟士風丕變去之日有徹底澄清一巨塘之謠載通志

胡應嘉沭陽人進士嘉靖間任宜春知縣察奸剔蠹幽隱必燭日與諸生論行攷藝其所獎與驗若券符廉能聲大著擢吏科給事轉都給事中載府志

鄭惇典字維勅侯官人宋萍鄉知縣鄭強裔孫也爲袁州知府嚴毅清慎律諸士以禮時勤課闕整修聖殿繕葺明倫堂飾治祭器虔供祀典尤重農務盡力溝洫一切政事具舉僚屬士民兢兢奉法又樂其寬仁云載通志

蔣應震宜興進士萬歷十一年任宜春知縣正直不阿澄奸除蠹捐革火耗月再課士親定甲乙乙酉分校中式皆名士戊子秀江橋北岸傾圯捐俸六百餘金修築起桃源亭於春臺作寰宇亭於化成巖五年行取擢南禮部主事載府志崇祀府縣學名宦祠

黃洽中長沙進士萬歷十七年任宜春知縣剔奸蠹斥羨餘己丑荒悉心賑救貧生普給穀一石秋間自買還倉計五百餘石建文昌閣於府學左月兩課士彬彬向學調樂平擢刑部主事載府志

錢櫝會稽進士工文章萬歷二十一年知袁州豈弟宜民不踰年以憂去後督學江西行部袁州建袁高士祠自爲記以厲諸生復守湖西袁士民被教最深再以憂行遂不起載府志

陳端言海陽舉人萬歷間任袁州推官沉静清嚴惠威并用民以訟至細心剖決吏胥不得售其奸署宜春時庫吏盜金錢事覺必置於理毫無假借一郡肅然載府志  
葛焜上虞人倅建昌冰蘖自厲萬歷間陞袁州同知清廉愈著衛官餽遺以求市用者盡卻之有詩文名致仕去  
載府志

董三畏嶧峨舉人萬歷間任袁州推官慷慨介特署分宜萍鄉篆所至有廉名時有司利民折解自肥悉禁革歲省里甲千金以艱去民遮道哀送載府志

錢文薦號石樓慈谿進士萬歷間任宜春知縣歲凶民饑調停軫恤民獲甦息時郡守某猾虐文薦陰為過抑不稍貸簿書少間著詩文自娛刻有羅霄等集陞工部主事載府志

楊秉鐸貴陽舉人萬歷間通判袁州潔己自好兩督南糧卻常例不受署宜春以平等徵收有稍欠分釐者置不問陞任去民爲立碑歷官雲南副使

黃鳴喬字啟融莆田人萬歷進士知袁州清心惠政治行兼優修郡學濬李渠表黃太常廟塋百廢具舉尤念袁賦加浮重修郡志具列謨報始末陞河南副使載通志  
崇祀府學名宦祠



徐之孟字養浩德清進士萬歷間任袁州推官讞決多平反革保犯皂役不得殘民衙舍蕭然命蒼頭闢畦蒔蔬袁州城地勢南下構珠泉亭以壯形勝性介直不阿僅轉永州郡丞載府志

王隆德烏程人萬歷進士任袁州推官有才識時撫按行部以條鞭之外復有值櫃收銀南糧民解爲里甲困擾及衙門供應取辦地方民苦之檄隆德與建昌推官陸鍵條議量加四差一切錢糧俱官解僉點吏書值櫃經收及各公署損壞什物置辦俱官給修補供應夫馬悉給驛傳不許假借私派里甲請著爲令一時稱便載通

志

毛文煒吳縣舉人萬歷四十二年任袁州通判清而有文署府縣凡事不擾科徵有法暇日與士大夫講學詢百姓利病士民稱之遷莒州知州載府志

胡士相字端甫平湖人萬歷進士歷官江西叅政分守湖西道奸民請開礦部檄至覆寢其事衆議建魏忠賢祠士相持不可請蠲袁州積逋建義倉積粟備水旱修城堞興學校奉優旨賜金增秩載崇祀錄

按士相係江西統轄以有功於袁故列名宦

王猷號在吾慈谿進士由惠州守補袁州廉明剛決歷仕

有聲改府學水溝建文筆峰疏渠備旱搜帑抵餉於士  
民大有裨益毀署內淫祠置綠柳岡人服其卓識載府  
志崇祀府學名宦祠

侯世屏字伯憲江夏舉人萬歷間任袁州同知蒞事勤敏  
修學增城先後署府縣篆興利剔蠹新譙樓拓縣獄郡  
人稱之遷部郎去載府志

王家賓號獻廷漢陽舉人天啟初知宜春縣事敏迅機警  
能發奸摘伏剏建文筆峰爲一邑振起人文載前志

王相說字懋弼泰州進士天啟三年任袁州推官廉以持  
已勤以課士修學講約訟不勾攝士民翕然以考最擢  
御史載府志崇祀府學名宦祠

吳鼎元廣東舉人崇正間任袁州推官署宜春縣事時戶  
胥藉口補平私派帮解鼎元痛懲之申請禁革勒石縣  
門載府志

孟道宏江夏選貢崇正間通判袁州風度秀美雅志澄清  
督南儲卻常例羨餘琴樽蕭然尋擢西安郡丞歷官兵  
備載府志

章志侗字儺仙會稽舉人崇正七年知宜春縣事爲治寬  
和有度持身儉約正供之外不取羨耗一意與民休息  
尤勤於造士每校闕至再至三必獲真才往往拔十得

九人服其精鑿士民被澤至今謳思不輟載前志

陳濱漳浦籍鎮海衛人進士崇正十年任袁州推官拒楚  
賊有功屢遷湖廣右叅議十六年張獻忠陷長沙被執  
不屈死載通志 國朝

賜謚忠烈

朱茂暲字子莊秀水人崇正十四年令宜春精勤蒞治剔  
奸戢豪華酒亭一議最爲便民性喜延攬與諸生課文  
品題竟日無倦色調贛縣未行遭獻逆潰城去官尋署  
事候代兩至天井窩拮据招安解散餘黨渠魁授首實  
茂暲之功也迄無直之者載府志

按芑山文集癸未冬謀報賊臨袁撫道而下奪門遁紳

衿隨之獨朱父母劉二尹謂劉敦仁四川人後予時方入山避

賊夜詣邑見朱父母商城守事朱父母見兵餉兩竭惴  
惴懼翌日朱父母野服單騎行抵會城議請援未幾左  
師來縱兵屠城去朱父母尋復任以他故見惡當事坐  
以率先棄城予力爭乃免

丁聖時字墨巖巴陵進士先令溧陽坐仇誣左遷崇正戊  
寅任袁州推官盡心讞決風采凜然嘗申革宜春縣私  
議補平酒亭馬戶之弊解建喝斷關以邊萍衝郡人德  
之亡郊分校省闈所得多名士遷戶部郎中載府志

霍子衡南海舉人霍文敏韜之後崇正間任袁州知府務  
與民休息郡堂火引咎修省不株究吏民遭時不造逆  
獻豕突灑血告急反以兵潰坐法識者惜之載府志  
李時興號念邨福清舉人歷臨江同知改袁州攝府事乙  
酉七月南昌已降時興城守無何守將蒲纓兵潰湖廣  
援將黃朝宣五營亦譟歸時興知不能守自縊於萍鄉  
官舍一僕亦隨死載通志 國朝

賜諡節愍

胡甲桂字秋卿崑山人崇正十二年進士由廣信同知蒞  
任袁州城陷被執不屈死之載

欽定勝朝殉節諸臣錄

按府志職官名宦俱未載今補入

廖文英字百子號昆湖連州選貢除南康推官改袁州署  
知府事英斷有才畧時遭獻左慘殺文英撫恤有方天  
井賊未靖悉力鎮定民賴以安條議清糧甦軍二事極  
痛切會時亂阻格重刻郡乘培學校惜以憂去載府志  
吳道昌貴州舉人崇正十七年任宜春縣事下車月餘卽  
殷殷以興起文教爲己任月一課士暇時輒親至廬洲  
書院觀士子會課劇飲爲歡臨政親民尤勤撫字而革  
馬戶一項爲最著惜在任未久弗克殫其蘊耳載前志

皇清

晉國璧號連城全椒拔貢乙酉春以本府推官至值

鼎定携府印匿民間旋奉檄知府事時兵多縱殺國璧極力調停曲事諸鎮將所全活頗衆載府志

王忻號燕皇章邱進士順治二年任宜春知縣時軍興旁午鎮兵驕悍輒喧噪入署忻善其調劑浮糧一節時於臺司處縷悉請命卒邀藩撫入告十年改選去官舟次新喻遇兵害載通志

王延禔清苑進士順治五年任袁州推官治才明幹分百姓憂運丁無賴冒推遠衛殷實戶索詐無贖延禔得其奸狀懲以法立碑永禁郡有汰浮糧之請延禔與有力焉著兵議一篇深中袁弊他見劉鋹傳中權知府事多惠政陞刑部主事載府志

劉鋹號木菴邠州人由拔貢順治六年任袁州同知郡初恢復環城皆兵署鎮貪橫困索諸紳士動輒械繫鋹與推官王延禔志同道合爲地方請命有不獲者昌言於上必得當乃已十月奉檄視府篆益加意保釐剔蠹戢兵飭貪禁暴申繳文武各臺司市米金散鹽檄尤屬吏所難載通志

莊應會號素鶴武進人進士順治初歷官江西右布政入

覲陳奏瑞袁二府地隘土瘠自明洪武以來賦斂較他郡倍重又洊經兵燹戶口少而糧額多積逋日甚請加軫恤得

旨蠲免二府浮糧一十三萬六千有奇民困以甦江西之人

至今德之內陞刑部侍郎載崇祀錄

按應會係江西統轄以有功於袁故列名宦

吳南岱字泰巖武進人順治己丑進士十年以員外郎出知袁州袁郡苦浮糧時江西右布政使莊應會請汰袁瑞浮糧下戶部議南岱適膺斯選未出都毅然請

勅撫臣確查巡撫蔡士英特疏卒汰袁州浮糧十萬石甦三

百年重困南岱與有力焉郡方凋敝力爲撫循城池學校津梁靡不修舉續修袁州府志有公暇草等書行世載安志

施閏章字尙白江南宣城人順治己丑進士由比部郎視學山左歲辛丑陞江西叅議分守湖西愛民禮士尤崇獎風教於袁重建昌黎書院裁缺歸里己未由博學鴻詞科改官侍講著有愚山集行世

按閏章係江西統轄以有功於袁故列名宦

張浩字鶴胎無錫拔貢順治十七年任宜春知縣廉明能斷胥役憚之明季兵燹後圖籍散失田糧收除類多朦

混浩設局清查諭令自首隱匿者科罪閏三月籍定賦稅始得其實至今賴之載前志

李芳春奉天舉人康熙二年知袁州實心愛民勇於有爲郡經兵燹後城市殘破閭左凋耗芳春招徠綏靖之百廢具舉建文廟新公堂四邑之城郭毀於兵者修築完固萬載之田賦詭於冊者清釐均平重葺昌黎書院課士優其廩餼請增諸生錄科名額輯萬歷以後郡志是大有功德於袁者至今猶利賴之載府志

陸柄謙字元吉崇正副貢康熙五年任宜春知縣性溫厚有長者風月課士於昌黎書院手自評隲所獎拔類皆名流以年老致仕載前志

金玉書字石函豐城舉人康熙五年任宜春教諭善屬文端嚴有師範歲必課士手定優劣翕然無間言捐貲修學惓惓以振興人文爲念未去任以壽終載前志

吳兆慶字貞甫歸安人康熙十四年任宜春知縣招徠子遺多所全活時大兵雲屯轉輸絡繹兆慶措置如流不病民不虧餉當時咸推重焉載前志

潘藩大字介維江南天長人十七年知宜春縣事嚴明正直不阿權要時鎮卒驕悍民不敢近公數置之法始稍斂戢邑屢荒旱多積逋公捐橐代輸無難色聽斷曲直

不少狷清介自矢雅稱廉吏以博學行取人爭榮之載前志

馬光遠遼陽人康熙十五年任袁州同知棚寇肆虐光遠募鄉勇諭以忠義擒巨魁復冒暑沿山谷搜餘黨邁疾卒袁民哀之載通志崇祀府學名宦祠

王光烈字允文奉天監生康熙十八年任宜春知縣以招徠撫恤爲事邑屢遭兵荒民苦逋賦光烈力爲民請命幸邀蠲免時衛軍失伍奸丁乘隙妄報勾補閭閻震驚轉徙者數千家光烈痛陳於上檄下諸司立碑永禁宜邑舊無志書捐俸創修自董厥成其興廢甦患類如此

載前志

梁鷄號公調長安人廕生康熙二十年協鎮袁臨簡閱軍士以時訓練將卒皆奉令嫻步伐平時溫文爾雅有輕裘緩帶風陞總兵後改浙閩總督載前志

康共字明我號薊門薊州人由材技爲本州玉田操守具三桂叛共以守備隨鎮海將軍駐武昌戰討有功陞福建水師提標遊擊征勦海逆衝鋒破敵克復海壇等處捷聞功加十二等授左都督歷任袁臨協鎮袁叠遭兵燹四境蕭條共下車惻然嚴飭悍卒毋許擾民有違命者置之法自是兵民相安除從前扣糧採買諸弊歲旱



步禱設法賑貸訓練之暇謙恭下士於北關外開義館  
延塾師講學貧無資斧者藉以陶成鎮袁八載士民愛  
戴之遂籍宜春東隅一楹又二年乃致仕載府志

陳俊字宅三梁山舉人康熙二十九年由教諭遷任宜春  
縣公餘諮訪利病如家至而日見之革耗羨貸倉儲終  
日無疾言遽色有儒吏風巡撫宋學深器之載府志

張綸字言如襄平人康熙三十九年知宜春縣耿介明決  
獄訟少有寃者雖性頗嚴峻然威能戢暴郡城兵民雜  
處俾令市不知兵縣治傾頽公蠲貲鼎新之袁郡舊無  
督學文場以奉裁兵備道衙舍改充外邑每因循不葺

多至臨時草率公請於上檄行四邑輪值修理定為例  
始無旁誘惜涖任未幾以疾免載前志

梁穆真定人拔貢康熙四十三年同知袁州府廉介沉靜  
時胥吏多倚官虐民報克者無算穆曰吾閒曹也安用  
如許人悉去之袁人呼為梁青天工韻學吟咏自適著

有詩集梓行遷蘇州知府載府志

江為龍號硯崖桐城進士由中書改宜春令寬和平恕政  
簡刑清念一邑士子未有會課地倡建宜陽書院捐置  
田三十七畝有奇助師生膏火宜春之有書院自江始  
其餘修廢舉墜尤多康熙乙酉分校鄉闈所拔皆名士

丙戌兼攝分宜篆旋署本府同知釐奸剔弊盜息民安  
四邑紳士競爲詩歌以訟彙鐫成帙從祀五賢祠

遲維璽漢軍正白旗人康熙五十七年知袁州府端重寡  
言笑見者肅然敬憚而開誠布公四邑利病芻蕘皆得  
以上陳不敢欺亦不忍欺也郡邑胥吏舊以富室子報  
克詣屬縣夫差雜辦科派里民維璽詳請革免勒碑永  
禁民困得蘇咸尸祝焉載府志

莊令翼武進進士宰宜邑悉心圖治愛百姓如子刑寬政  
理尤好激獎士類嘗捐俸置田二十餘畝助宜陽書院  
膏火考校生徒如師課其弟士民咸愛戴之附木主於

五賢祠以祀

薄履青號以階江寧人雍正五年以編修出知袁州府振  
興學校拔生童之秀者肄業昌黎書院始設廩餼躬親  
課試後之通籍者多出其門萍邑奸民奏告欺隱奉文  
清丈履青竭誠盡慎無徇隱亦無刻覈委員某以事中  
傷不爲動萍士民德之歲旱露頂步禱三旬始獲甘霖  
中暑受毒卒於官遠近哀奠者如織其子扶櫬歸囊橐  
蕭然載府志

劉子尹長葛進士乾隆十五年任宜春縣事聽斷明決訟  
者甫投詞於庭立批訊具得其曲折理絀者必予杖人

畏服而訟日稀庚午年四五月荒饑民取土剝草根以爲食子尹平糶倡捐全活者衆惜任未久以他事被議去復任卒於官載府志

陳廷枚字端揆浙江蕭山人乾隆間由惠州同知陞袁州知府率屬愛民存心仁恕郡城署廟諸廢墜不動帑項不取民脂而修舉悉竣纂輯府志續一郡文獻至今猶嘖嘖稱頌

郭人傑山東汶上舉人乾隆間知宜春縣性外和內剛判牘勤敏猾吏蠹胥憚不敢逞苞苴弗通囹圄生綠公餘接引賢士論文不倦嘗捐俸修城隍廟尤重恤民命凡

冤抑必齋禱令冤雪讞定乃釋任滿報最而去

郭廷欵山東卽墨舉人乾隆間任宜春數載多惠政遇凶荒寬其徵鄉里罕追捕胥察奸剔蠹無久冤沉滯之獄高尙禮乾隆三十年間署宜春縣事治行明敏禁革浮弊凡有利於宜者悉鼓舞作新之鋤奸剷豪與民爲休息合邑紳士製視民如子額以揚其德解任後猶有誰嗣之思

按知縣高尙禮莊樸知府盧崧皆署任照依府縣前志職官例不列名茲因有功於宜故列名宦

盧崧漢軍旗人乾隆三十一年由蓮花廳同知署袁州知

府清操自勵以振興人文爲已任蒞任未匝月卽倡建宜春縣學殿堂門廡祠閣泮池修葺韓昌黎祠調理書院膏火獎勵士子攝篆二載興廢舉墜整飭風化去後猶繫民思從祀昌黎祠

莊櫛晉陵人前宰令翼從子乾隆間署宜春知縣工書法折節禮士甫下車卽究心地方利弊洞悉民隱政簡刑清惜未週任卽調去邑人爲豎德政碑並製廉靜明敏額以頌其政治

李允性翼城進士乾隆間守袁州綱紀肅清吏民安堵尤振興學校考試士子嚴絕弊端作養昌黎書院所拔取士多掇巍科一時文風稱盛工書法有王米筆意曾於介亭石書第一峰三大字極工去任囊橐蕭然

陳蘭森廣西桂林進士前巡撫江西榕門先生之孫巡撫蒞任時舟次宜春水泐生森於舟中後守袁養士愛民多惠政報最陞江西糧道革弊憐貧遇糧艘險阻悉爲經畫設挽機以紆緯夫力凡袁衛丁晉謁愛如家鄉人以生水泐故也所在政治屬吏不敢通苞苴審斷疑獄判若氷釋從無詈語及人至今民猶思之

林其宴號春園福建閩縣進士由部曹出守袁州舟次昌山聞前任考試未終浮言騰沸隨卽觀風秉公考核務

拔真才士民悅服居官氣度冲容寬嚴得體督修宜春學宮及昌黎書院講堂皆自爲記後調南昌以事降九江通判復署袁篆無異曩昔

徐樂山宛平舉人嘉慶間知宜春縣蒞任六載清潔自矢未嘗妄取民間一錢如遇命案祇攜書役數人往觀不重擾地方亦不牽連無辜民咸敬之惜以事離任